

四庫全書

史部

欽定四庫全書

大事記續編卷三十一

明 王禕 撰

晉太宗簡文帝咸安元年

代高祖皇帝建國三十四年  
涼張天錫九年 秦宣昭

皇帝建元七年

春正月秦援袁瑾桓溫遣兵大破之丁亥拔壽

春瑾伏誅

以本紀通鑑修

秦徙關東豪傑及雜夷十五萬戶於

關中

以呂祖謙標目修

二月秦復置雍州以長樂公丕為雍州

刺史

以呂祖謙標目修

解題曰按地理志苻健都長安於雍州置司隸校尉

以豫州刺史鎮許昌秦州刺史鎮上邽荊州刺史鎮

豐陽

商州縣

洛州刺史鎮宜陽并州刺史鎮蒲坂苻堅

分司隸為雍州分京兆為咸陽郡洛州刺史鎮陝城

滅燕之後分幽州置平州鎮龍城幽州刺史鎮薊城

河州刺史鎮枹罕并州刺史鎮晉陽豫州刺史鎮倉

垣雍州刺史鎮蒲坂於是移洛州居豐陽以許昌置

東豫州以荊州刺史鎮襄陽徐州刺史鎮彭城及姚

興剋洛陽以并冀二州牧鎮蒲坂豫州牧鎮洛陽兖

州刺史鎮倉垣分司隸領北五郡置雍州刺史鎮安定

三月冠軍將軍建城公周楚卒

以本紀修

秦伐仇池夏四月

降之

以本紀通鑑修

涼張天錫稱藩于秦

以本紀通鑑修

冬十一月丁未

桓溫入建康廢帝為東海王己酉立會稽王昱為皇帝

改元庚戌尊皇太后為崇德太后癸丑殺東海王二子

乙卯廢徙武陵王晞族誅著作郎殷涓太宰長史庾倩

等辛酉還姑孰十二月庚寅降東海王為海西公

以本紀通

鑑呂祖謙  
標目修

是歲鮮卑乞伏司繁降秦

以呂祖謙  
標目修

晉太宗簡文帝咸安二年

涼張天錫十年  
帝建國三十五年

代高祖  
秦宣昭

皇帝建  
元八年

夏四月徙海西公於吳縣

以呂祖謙  
標目修

六月秦王

猛為丞相司隸校尉陽平公融都督關東六州軍事與

州牧

以通  
鑑修

庾希舉兵入京口秋七月伏誅

以奔  
紀修

帝不豫

己未立子會稽王昌明為皇太子道子為琅邪王遺詔

桓溫依周公居攝故事侍中王坦之改令依諸葛亮王

導故事

通  
鑑

解題曰帝不豫詔溫入一夜頻有四詔溫上疏曰盛  
哀常理過備無害故漢高枕疾呂后問相孝武不豫  
霍光啓嗣嗟以問身後蓋所存者大也今皇子幼  
穉而朝賢時譽惟謝安王坦之才識智能皆簡在聖  
鑑內輔幼君外禦彊寇實群情之大懼然理盡於此  
陛下便宜崇授使臣下知所寄而安等奉命陳力公  
私為宜至如臣溫位兼將相如陛下垂布衣之顧但  
朽邁疾病懼不支久無所復堪托以後事疏未及奏

而帝崩餘見通鑑

帝崩太子昌明即皇帝位崇德太后復令溫居攝尚書

僕射王彪之封還之

以通鑑修

八月秦加王猛都督中外軍

事

以呂祖謙標目修

冬十月丁卯葬簡文帝于高平陵廟號太

宗

以本紀修

是歲秦陷仇池

以本紀修

晉烈宗孝武皇帝寧康元年

涼張天錫十一年  
祖皇帝建國三十六年

代高

秦宣昭皇帝  
建元九年

春正月己亥朔改元

以本紀修

二月桓溫來朝

三月甲午還姑孰夏溫求九錫吏部尚書謝安王坦之

遲之秋七月己亥南郡宣武公桓溫薨以少子立為嗣  
解題曰張栻曰使溫不死必受九錫既受九錫必稱  
兵向闕謝安當時惟當以忠義率人與之一戰恐  
有可勝之理耳事見通鑑

庚戌以南中郎將江州刺史桓冲為中軍將軍都督揚  
豫江州軍事揚豫二州刺史桓豁為征西將軍督荆揚  
雍交廣州軍事竟陵太守桓石秀為寧遠將軍江州刺

史

以通鑑  
紀傳修

八月崇德太后復臨朝

以呂祖謙  
標目修

梁州刺史



楊亮遣兵襲仇池秦將楊安定敗走之

以呂祖謙標目修

九月

丙申王彪之為尚書令謝安為尚書僕射共掌朝政

以呂

祖謙標目修

冬十月秦拔漢中十一月陷梓潼梁益二州刺

史周仲孫奔南中

以通鑑修

丹楊尹王坦之為中書令

以列傳修

是歲彗星出箕尾經太微掃東井

以載記修

甲戌晉烈宗孝武皇帝寧康二年

涼張天錫十二年代高祖皇帝建國三

十七年秦宣昭皇帝建元十年

春二月癸丑王坦之為北中郎將都

督徐兖青州軍事徐兖二州刺史

以紀傳修

三月彗星見

以本

紀修夏五月蜀人張育等起兵圍成都秋七月秦攻滅之

以奉紀修八月以擇后權停婚姻

以奉紀修

晉烈宗孝武皇帝寧康三年

涼張天錫十三年 代高祖皇帝建國三十八年

秦宣昭皇帝建元十一年夏五月藍田獻侯王坦之卒甲寅桓冲為

鎮北將軍都督徐豫兗青揚州軍事徐州刺史謝安領

揚州刺史

以奉紀修

秋七月秦清河武侯王猛卒臨終告其

主堅晉雖僻處江南正朔相承願勿以為圖鮮卑西羗

宜漸除之

以載紀修

解題曰蘇轍曰堅滅慕容姚襄及二姓之子弟錄其  
才能而官使之布滿中外若以世俗言之則以漸除  
之如猛之計得矣若以帝王之事言之則堅之意未  
必過也大雅之稱文王曰殷之孫子其麗不億上帝  
既命侯于周服侯服于周天命靡常殷士膚敏裸將  
于京厥作裸將常服黼皐文王用人其廣如此而堅  
何尤焉德雖不若文王而竊慕焉顧其所以處之何  
如耳周公成王之際殷之遺孽猶與管蔡間周之隙

曰予復反鄙我周邦故周公克殷改封微子于宋而  
遷其頑民于洛保釐東郊作多士而撫寧之所以慮  
其變者至矣至君陳畢公皆迭居成周而董帥之故  
康王之命畢公曰周公毖殷頑民遷于洛邑密邇王  
室式化厥訓既歷三紀世變風移四方無虞予一人  
以寧然猶曰邦之安危惟茲殷士由此觀之文王之  
用殷人豈苟然而已哉今堅蓄養豺虎于其腹心而  
貪心務勝不顧其後宜其斃於萑垂也使堅信猛之

策南結鄰好保境息民雖百莢垂安能動之文王雖未可覲然亦非猛之所能及矣事見通鑑

八月癸巳立皇后王氏

以本紀修

冬十月癸酉朔日有食之

以本紀修

秦置聽訟觀禁老莊圖讖之學

以通鑑修

晉烈宗孝武皇帝太元元年

涼張天錫十四年 代高祖皇帝建國三十九年

秦宣昭皇帝建元十二年

春正月壬寅朔帝加元服皇太后歸政甲

辰改元

以本紀修

解題曰宋庠紀年通譜太元本孫權年號

桓冲為車騎將軍都督豫江州之六郡軍事鎮姑孰乙

卯加謝安中書監錄尚書事

以本紀通鑑修

夏五月秦伐涼

以列

傳脩

九月除度田收租之制公王以下口稅米三斛蠲在

役之身

本紀

解題曰朱黼曰因等級而授之田因田而為之賦古法也自阡陌之開田無定賦民無定田履畝而受稅者尚為良法晉自穆宗始自王公以下口稅三石不復以畝計而授田之法無聞豈良法乎今孝武以酒

禁病民特除去之更於民稅增米二石亦豈良法乎  
夫民可以無酒不可以無食古之所以禁酒者以其  
糜穀米以害民食今欲去權酤之弊而重賦以病民  
是使民食愈艱國賦愈重也後世聚歛之臣不顧賦  
稅之增併復權酤之法是三倍而取之民也忍言之  
哉事見通鑑

秋八月秦敗涼兵甲午降張天錫

以通鑑修

解題曰自軌為涼州至天錫九世七十六年

冬十月秦伐代

以呂祖謙  
標目修

十一月代禦秦兵大敗十二

月代王什翼犍為其子實君所弑秦分其國為二部以

屬匈奴劉庫仁劉衛辰什翼犍之孫珪依於庫仁

以呂  
祖謙

標目  
修

是歲乞伏司繁卒子國仁立

通鑑

晉烈宗孝武皇帝太元二年

秦宣昭皇帝  
建元十三年

春秦大修舟

艦

以通  
鑑修

秋七月加謝安都督揚豫徐兗青州軍事

以列  
傳修

八月征西大將軍桓豁卒冬十月桓冲都督江荆等七

州軍事荊州刺史鎮上明征西司馬謝玄為兗州刺史



監江北軍事

以本紀  
通鑑修

解題曰上明在今江陵府松滋縣西五里

壬寅王彪之卒

以本紀修

晉烈宗孝武皇帝太元三年

秦宣昭皇帝  
建元十四年

春二月乙巳

作新宮

以本紀修

秦王堅遣長樂公丕等四道攻襄陽夏四

月圍之

以本紀修

秋七月新宮成

以本紀修

解題曰按建康實錄內外殿宇大小三千五百間

秦攻盱眙八月攻彭城魏興

以呂祖謙  
標目修

冬十月秦豫州

刺史北海公重謀反執而赦之

以通鑑修

晉烈宗孝武皇帝太元四年

秦宣昭皇帝建元十五年

春二月秦陷

襄陽執南中郎將梁州刺史朱序

以本紀修

秦陷彭城

以呂祖謙

標目修

三月壬戌詔疆場多虞事從儉約廩俸減半

以本紀修

夏四月戊申秦陷魏興

以呂祖謙標目修

五月乙丑秦陷盱眙

以本紀修

秦圍三阿征虜將軍謝玄敗走之六月玄大破秦

師于君川加玄徐州刺史

以通鑑修

解題曰按列傳載記十六國春秋三年秋七月堅遣

後將軍俱難後禁毛盛陵江邵保等步騎七萬寇淮陽盱眙八月楊武彭超寇彭城攻將軍戴逵將軍毛虎生帥衆五萬距之與難等相持于淮南四年兖州刺史謝玄率東莞太守高衡後軍將軍何謙次于泗

汭將救彭城超置輜重于留城

在徐州沛縣東南二十五里

玄揚

聲遣謙等向留城超引軍赴之遂率衆奔于玄先是兖州治中徐褒言於超曰吳人用兵陸戰不如中國而善於舟楫若沂淮而上從泗口分軍南救淮陰北

救戴遂則邵保孤危彭城守固江淮之間陸路數百  
水道迂回幾將一千又下邳南北水淺岸狹可密遣  
步騎三萬陳兵要之彼既無援彭城孤弱今以七萬  
之衆坐守一城甲士思奮且此行也非取彭城而已  
將欲還清江浦事之濟否在此役也宜展將士之力  
與邵保勢相交超不從故何謙等得解圍遁超留徐  
褒守彭城復寇盱眙俱難既克淮陰留邵保戍之進  
師而南四月右將軍毛當與強弩王顯率衆二萬自

襄陽會攻淮南五月超陷盱眙獲高密內史毛琛之  
圍幽州刺史田洛於三阿山陽志在寶應府黃蒲之  
南白馬湖之東今寶應東北十里有三阿村京都大  
震臨江列戍詔征虜將軍謝石率水軍次涂中右衛  
將軍毛安之游擊將軍王曇之次堂邑謝玄自廣陵  
救三阿毛當毛盛馳襲安之軍人驚散何謙解田洛  
圍玄率衆三萬次于白馬塘在寶應北十五里俱難遣其將  
都顏逆戰于塘西玄大敗之斬顏玄進兵與難超戰

超等又敗退保盱眙進次石梁

通典屬揚州天長縣

六月戊

子玄洛率衆五萬攻盱眙難超出戰復敗退屯淮陰

玄遣何謙率舟師乘潮而上夜焚淮橋又與難等合

戰斬邵保超難引退玄率謙還洛追之戰于君川

載記

作君山即君山之川也

復大破之參軍劉牢之攻破浮航白船

督護諸葛侃單父令李都又破其運艦難等北走僅  
以身免難歸罪超斬其司馬柳渾堅大怒檻車徵超  
下獄超自殺難免為庶人以毛當為徐州刺史鎮彭

城毛盛為兗州刺史鎮胡陸王顯為揚州刺史戍下  
邳賞堂邑之功詔殿中將軍慰勞玄進號冠軍加領  
徐州刺史還廣陵世多謂謝玄淮淝之戰出於幸勝  
是不然彭超俱難席累勝之鋒蹂踐三阿如入無人  
之境玄起而麾之追亡逐北所失不旋踵而復間歲  
遂有淮淝之功非善用兵而能爾乎是故未可以輕  
議也餘見通鑑

冬閏十二月己酉朔日有食之

以天文志宋書五行志修

是歲秦大

饑

以通鑑修

晉烈宗孝武帝太元五年

秦宣昭皇帝建元十六年

春三月秦幽州

刺史唐公洛鎮北大將軍北海公重反夏四月秦討之

五月斬重擒洛

以呂祖謙標目修

司徒謝安為衛將軍與桓冲

並加開府儀同三司

以通鑑修

解題曰秦兵攻襄陽桓冲擁衆七萬於上明憚其強

而不敢進及襄陽陷上䟽送節解職朝廷免其罰已

云幸矣而又可賞乎謝安鎮廟堂諸鎮相繼陷沒今



僅能復一盱眙亦非受賞之時也事見通鑑

六月秦平陽公融為中書監都督中外諸軍錄尚書事

尚書令長樂公丕都督關東軍事冀州牧

以呂祖謙  
標目修

秋

七月秦徙諸氏十五萬戶于方鎮

以呂祖謙  
標目修

九月癸未

皇后王氏崩

以本  
紀修

是歲立國學

以宋書  
劉傳修

解題曰按宋書臧燾傳太元中衛將軍謝安始立國

學徐兗二州刺史謝玄舉燾為明教安以今年為衛

將軍而玄以往年為徐兗州刺史故載於此

晉烈宗孝武皇帝太元六年

秦世祖宣昭皇帝建元十七年

春正月立

精舍於內殿以奉佛

以本紀修

二月東夷西域六十二國入貢

於秦

以通鑑修

夏六月庚子朔日有食之

以本紀修

冬十一月秦

寇竟陵桓冲遣兵拒之十二月大破之

以呂祖謙標目修

晉烈宗孝武皇帝太元七年

秦宣昭皇帝建元十八年

秋八月秦以

諫議大夫裴元略為巴西梓潼太守具舟師

以通鑑修

九月

秦遣將軍呂光伐西域

以呂祖謙標目修

冬十月秦王堅議入

寇太子宏陽平公融僕射權翼太子衛率石越諫獨京

北尹慕容垂兗州刺史姚萇勸之


以載記修

解題曰按十六國春秋苻堅伐晉徵乞伏國仁前將軍領先鋒騎既而叔父步頽叛於隴西堅遣仁討之步頽迎仁於路仁置酒高會攘袂大言曰苻氏徃因趙石之亂遂妄竊名號窮兵極武跨僭八州疆宇既寧宜綏之以德方虛廣威聲勤心遠畧搔動生民疲弊中國違天怒民將何以濟且物極則虧禍盈則覆者天之道也以吾量之是役也難以免矣當與諸君

成一方之業事見通鑑觀國仁與其叔大言欲成一  
方之業則慕容垂姚萇之所以勸堅南伐其情可知  
矣

是歲秦大熟

以通鑑脩



大事記續編卷三十一

# 欽定四庫全書

史部

大事記續編卷三十二至五

詳校官檢討臣朱依昊

編修臣裴謙覆勘

總校官編修臣倉聖脉

校對官典簿臣劉景岳

謄錄監生臣劉人鶴

謄錄監生臣何銓

欽定四庫全書

大事記續編卷三十二

明 王禕 撰

晉烈宗孝武皇帝太元八年

秦宣昭皇帝  
建元十九年

夏五月桓冲

伐秦攻襄陽遣將軍楊亮伐蜀取秦五域六月秦兵救  
之

解題曰明年於是亮再出師矣

秋七月加冲江州刺史

以通鑑修

八月秦王堅大舉入寇以

陽平公融慕容垂等為前鋒詔尚書僕射謝石為征討

大都督冠軍將軍謝玄為前鋒都督以拒之桓冲遣兵

入援謝安却之

以本紀通鑑修

九月司徒琅邪王道子錄尚書

六條事

以本紀修

冬十月癸酉秦陽平公融陷壽陽秦主堅

輕騎就之十一月謝玄遣廣相劉牢之擊斬秦衛將軍

梁成於洛澗玄等遂殺融於肥水秦兵大敗時慕容垂

所將獨全堅單騎赴之至澠池遣垂安集關東

以通鑑目錄

祖譏標目修

鮮題曰按列傳載記堅東西萬里水陸齊進運漕萬



艘自河入石門達于汝潁融等攻陷壽春執平虜將

軍徐元喜安豐太守王先慕容重攻陷鄆城

杜預江夏雲杜

縣東南有鄆城雲杜今應城縣也

謝玄使胡彬劉牢之距之師次硤

石

元和郡縣志云在下蔡西南六十里淮經中過對岸山上築二城防津要西岸屬下蔡東岸屬壽春

不敢進衛將軍梁成等率衆五萬屯于洛澗

水經洛澗北歷

秦墟下注淮謂之洛口寰宇記洛水自潁川定遠縣西入與壽春縣洛水口中流分界至新城村入淮

以遏東軍頻敗王師謝石謝玄等去洛澗二十五里

憚成不進胡彬為融所逼糧盡詐揚沙以示融軍潛

遣使告石等曰今賊盛糧盡恐不見大軍融軍人獲之馳使白堅曰賊少易俘但懼其越逸宜速進軍堅大悅恐石等遁捨大軍于項城以輕騎八千無道赴之初諺曰堅不出項群臣勸堅停項為六軍聲鎮不從令軍人曰敢言吾至壽春者拔舌故石等弗知

崔鳴

曰融固言不可而使之其有不敗乎堅若不度項雖前師覆敗大軍可以無土崩堅所以率爾濟淮顧沛而反融之罪也堅遣尚書朱序說石等以衆盛欲脅而降之

序謂石曰若堅百萬悉到莫可與敵及其未集擊之

可以得志聞堅在壽春而懼謀不戰以疲之謝琰勸  
從序言許之玄遣牢之率參軍劉襲諸葛永等直進  
渡水臨陣斬成及其弟雲分兵斷其歸津賊步騎崩  
潰爭赴淮水殺獲萬餘人盡收其器械石等水陸繼  
進堅與苻融登城而望王師見部陣齊整將士精銳  
又北望八公山上在安豐壽春縣西四里草木皆類人形顧謂  
融曰此亦勍敵也何謂小乎憚然有懼色時張蚝敗  
謝石于淝南玄琰勒卒數萬陣以待之蚝乃退列陣

逼淝水

按四瀆編淝水有二其源出南岸安豐軍者曰東淝河出北岸亳州蒙城縣者曰西淝河

西淝水出縣西北蘄澤入淮之處與風火灘相近東淝水出廬州雞鳴山入淮之處距花靨鎮相近詳見

齊永元二年淝口解題

師不得渡遣使謂融曰君懸軍深入置

陣逼水此持久之計豈欲戰者乎若小退師令將士得周旋僕與君緩轡而觀之不亦美乎堅衆皆曰宜阻淝水莫令得上我衆彼寡勢必萬全堅曰但却軍令得過而我以鐵騎數十萬向水逼而殺之融亦以為然遂麾使却陣軍遂奔退制之不可止玄與謝琰

桓伊等以精銳八千渡水馳騁畧陣馬倒被殺軍

遂大敗

姚襄攻洛陽桓溫至伊水襄撤圍拒之遣使謂之曰承親帥王師以來今奉身歸命願救

三軍小却當拜伏路左溫曰欲來者便前相見在近何煩使人襄拒水而戰溫結陣而前襄衆大敗玄之請于融即襄之請于溫者也使堅如溫之所以待襄則玄之策不得施矣母已則却軍以致師及其未濟而擊之歟固以是俟王師乘勝追擊至于青岡

在安豐軍

壽春縣西十三里

死者相枕堅為流矢所中單騎宵遁征虜

司馬毛璩與田次之共躡堅至中陽不及而歸聞風聲鶴唳皆以為王師已至草行露宿重以饑凍死者

十七八餘見通鑑張栻曰淮淝一戰夷夏離合之大機也苻氏初假晉名字以立國及其馘姚襄墟慕容滅涼滅代且取蜀于晉矣然堅雖操把握之權而無堅凝之策事特可慮耳王猛垂絕拳拳願勿圖晉而深以鮮卑西羗為憂蓋知其機之所在矣而堅莫之知也伐晉之役通國皆諫惟慕容垂姚萇勸其行及秦衆皆敗惟垂三萬人獨全是果何心哉未幾而即叛去姚萇效之而乞伏呂光亦皆紛然四起獨惜晉

之君相既相猜疑而規恢之功迄不可覲秦分為三  
燕分為二涼分為四披披藉藉五十餘年而後畧定  
皆自淮淝之役始也

十二月開酒禁增民稅米口五石

以通鑑修

秦將軍乞伏國

仁反於隴西

以呂祖謙標目修

前句町王翟斌舉兵於河南秦

長樂公王遣慕容垂討之垂叛

以本紀修

時帝疎忌謝安

以呂

祖謙標目修

晉烈宗孝武皇帝太元九年

秦宣昭皇帝建元二十年  
燕成武皇帝慕容垂燕

元元年 西燕帝慕容泓燕興元年 春正月慕容垂至  
後秦武昭皇帝姚萇白雀元年

洛陽翟斌降之垂自稱燕王改元庚戌圍長樂公丕於

鄴

以通鑑修

解題曰王容曰燕載記杜延業晉春秋宋庠記年通  
譜皆曰燕元元年通鑑闕元字

將軍劉牢之克秦譙城

以本紀修

桓冲遣兵克秦新城魏興

上庸

以本紀修

二月辛巳豐城宣穆公桓冲卒振武將軍梁

郡太守桓石明為西中郎將荊州刺史冠軍將軍河東



太守桓石虔為衛州刺史西中郎將豫州刺史桓伊都

督江荆豫州軍事江州刺史

以呂祖謙  
標目修

解題曰按世說新語桓車騎在上明政獵東信至傳  
淮上大捷語左右云羣謝年少大破賊因發病薨餘  
見通鑑呂祖謙曰冲憂晉室之危而謂吾其左衽乃  
事理之當然初不足為過淝水之捷冲於此喜而不  
寐可也尚何慚耻之有冲之所以慚耻者不過自咎  
其言之不中耳然推是心而充之則其害事甚矣楊

國忠之於祿山是已此誠可為深戒使冲之言果驗  
吾意其未必能死也

三月謝安為太保

以本紀修

解題曰按桓伊傳安堦王國寶專利無檢行安抑制  
之及孝武末年嗜酒好內而會稽王道子昏闇音詠尤

甚惟狎昵諂邪於是國寶讒諛之計稍行於主相之  
間而好利險詖之徒以安功名盛極而構會之嫌隙  
遂成帝召伊飲讌安侍坐帝命伊吹笛伊即吹為一

弄請以箏歌乃撫箏而歌怨詩曰為君既不易為臣  
良獨難忠信事不顯乃有見疑患周旦佐文武金縢  
功不刊推心輔王政二叔反流言聲節慷慨俯仰可  
觀安泣下霑襟乃越席而就之捋其鬚曰使君於此  
不凡帝甚有愧色餘見通鑑

秦北地長史慕容泓起兵于華陰秦主堅遣將軍苻  
叡姚萇討之平陽太守慕容冲起兵遣將軍竇衝  
討之夏四月泓敗秦兵殺叡萇奔渭北自稱秦王改

元竇衝大破冲冲奔泓泓改元

以呂祖謙  
標目修

解題曰按載記萇懼奔于渭北遂如馬牧

在京兆府  
興平縣東

南二  
十里

西州豪族尹詳趙曜王欽盧牛雙狄廣張乾等

率五萬餘家咸推萇為盟主萇將距之天水尹緯說

萇曰今百六之數既臻秦亡之兆已見以將軍威靈

命世必能匡濟時艱故豪傑驅馳咸同推仰明公宜

降心從議以副群望不可坐觀沉溺而不拯救之萇

乃自稱大將軍大單于萬年秦王稱制行事

寰宇記  
耀州華

原縣西七十五里有姚萇殿

時慕容冲與苻堅相攻衆甚盛萇將

西上恐冲遏之遣使通和以子崇為質於冲進屯北

地厲兵積粟以觀時變餘見通鑑

五月梁州刺史楊亮伐秦

以通鑑修

燕降信都

以通鑑修

六月癸

丑朔崇德太后崩

以本紀修

西燕將高蓋殺慕容泓立冲為

皇太弟

以吕祖謙標目修

燕拔秦常山秋七月克中山

以通鑑修

秦

豫州牧平原公暉奔長安桓石民遣兵戍洛陽

以通鑑修

取

秦涪城

以通鑑修

解題曰明年遂平益州矣

慕容冲敗秦兵據阿房城

以呂祖謙  
標目修

燕王垂殺翟斌斌

兄子真領其衆

以呂祖謙  
標目修

秦呂光破龜茲定西域

以呂祖謙

標目修

八月燕解鄴圍

以呂祖謙  
標目修

謝安請開拓中原以謝

玄為前鋒都督伐秦取彭城九月彭城內史劉牢之克

鄆城甲午加安大都督揚江等十五州軍事假黃鉞

以呂祖謙

傳呂祖謙  
標目修

解題曰六月之卒章曰侯誰在矣張仲孝友蓋非張

仲則無以成吉甫之功也晉之君相既自不和則雖

百日而復河南何益哉事見通鑑

冬十月辛亥朔日有食之

以本紀修

秦青州刺史苻朗降

以本

紀修

匈奴劉庫仁將救秦爲其下所殺弟頭眷領其衆

以呂

祖謙標目修

謝玄遣將克黎陽秦長樂公丕來請救

以呂祖謙標目

修

兗青司豫皆平加謝玄都督徐兗等七州軍事

以呂祖謙

標目修

十二月秦殺慕容暉盡誅鮮卑

以呂祖謙標目修

燕復圍

鄴謝玄遣劉牢之救之

以呂祖謙標目修

取秦漢中

以通鑑修

晉烈宗孝武皇帝太元十年

秦帝苻丕太安元年成武皇帝燕元二年

燕

燕帝慕容冲更始元年

後秦昭皇帝白雀二年西秦乞伏國仁建義元年

春正月西燕慕容

冲即帝位改元

以呂祖謙標目修

解題曰宋庠紀年通譜更始本劉玄年號

秦王堅與西燕連戰大破之

以通鑑修

燕取秦薊

以通鑑修

三月

秦滎陽郡降

以本紀修

夏四月劉牢之至鄴燕王垂遣牢之

追之大敗秦長樂公丕就食枋頭牢之入鄴尋坐徵還

以呂祖謙標目修



解題曰桓溫西至霸上東戰枋頭俱以持重失之其  
後牢之遂以輕易得之謝安欲乘苻氏傾敗開拓中  
原但狃劉牢之輕易之得而不思桓溫之所懼也遂  
以失利燕秦合而溫敗適其隆也晉秦合而牢之敗  
際其衰也事勢大遼絕矣事見通鑑

琅邪王道子與謝安有隙壬戌安出鎮廣陵

以呂祖謙  
標目修

取秦益州

以本  
紀修

翟真屯行唐為其下所殺其弟成立翟

遼奔黎陽

以呂祖謙  
標目修

五月西燕主冲攻長安秦王堅奔

五將山六月冲入長安

以通鑑修

解題曰五將山在鳳翔府岐山縣西北

秋七月旱饑

以本紀修

後秦王萇執秦王堅尋弑之

以呂祖謙標目

修秦太子宏來奔

以通鑑目録修

秦長樂公丕復入鄴

以通鑑目録修

癸酉翟成長史執成降燕

以通鑑修

八月謝安還建康

以呂祖謙

標目修

丁酉建昌文靖公謝安薨庚子司徒琅邪王道士

領揚州刺史録尚書都督中外軍事

以紀傳修

秦長樂公丕

奔晉陽稱帝改元燕取鄴

以呂祖謙標目修

解題曰王容曰載記宋庠紀年通譜秦改元皆作太

安通鑑作大誤也太安本晉惠帝年號

匈奴劉顯弒劉頭眷而自立將殺拓跋珪珪奔賀蘭部

以呂祖謙  
標目修

九月秦呂光還涼州殺刺史梁熙而代之以通

修鑑

乞伏國仁自稱秦河二州牧改元

以呂祖謙  
標目修

解題曰按載記國仁置武城武陽

今渭州安固

今蘭州  
蘭泉縣

武始

今熙州  
狄道縣

漢陽

今秦陽

天水

今天水縣

畧陽

今秦州  
隴城縣

洿川

洿水即菴水出隴  
西菴道東南流

甘松

今松州  
甘松嶺

匡朋

十六國春秋  
歸常以叱豆渾

為匡朋太守又方輿記經州延福縣有隋匡川城疑即匡朋

白馬

今慶陽府安化縣本漢郁郅縣

白馬水出北塞水經注洛川南經苑川蘭州蘭泉縣尉李城東北合馬嶺水號白馬水經注苑川

水出勇士縣子城之南山東北流又北逕收師苑又有東西二苑城相去七里西城乞佛所都十二

郡築勇士城

今會州會寧縣

以居之餘見通鑑

冬十二月燕都中山

以呂祖謙標目修

晉烈宗孝武皇帝太元十一年

秦帝苻丕太安二年燕成武皇帝建興元年

西燕慕容永中興元年西秦乞伏國仁建義二年

後秦武昭皇帝建初元年涼王呂光太安元年秦

高皇帝苻登太初元年魏太祖道武帝拓跋珪登國元年

春正月戊申拓跋珪即

代王位建元

以呂祖謙  
標目修

解題曰宋庠紀年通譜登成也美國政之成以冠元

詩云登是南邦此其義也

燕王垂即位立子寶為太子

以呂祖謙  
標目修

翟遼據黎陽

以呂祖謙  
標目修

二月燕改元

以呂祖謙  
標目修

解題曰宋庠紀年通譜建興本劉禪孫亮李雄晉

愍帝年號

西燕弑其主冲立其將段隨為王改元

以呂祖謙  
標目修

代徙

都盛樂

呂祖謙  
標目

三月泰山太守張願降翟遼謝玄還淮

陰

以呂祖謙  
標目修

解題曰石氏之亂殷浩嘗北出許洛矣張遇一以許  
昌叛則師不能尺寸進苻氏之亂謝玄嘗經畧中原  
矣張願一據黎陽則逡巡而還淮陰蓋晉之君臣本  
無堅凝之志則失色於蜂蠆而奪心於鴻鵠者皆是  
也欲求中原塊土詎可得哉事見通鑑

西燕僕射慕容恒等殺段隨立慕容顗為王而東復見

殺立冲之子瑤為帝改元尚書慕容永殺之立泓之子

忠稱帝於聞喜改元建武

以呂祖謙  
標目修

解題曰宋庠紀年通譜忠改元建武本漢光武晉惠

帝元帝石勒年號

聞喜今  
解州縣

餘見通鑑

夏四月後秦取長安

以呂祖謙  
標目修

代改稱魏

呂祖謙  
標目

後秦

王萇即帝位改元

以呂祖謙  
標目修

解題曰宋庠紀年通譜建初本漢章帝李特年號

餘見通鑑

六月庚寅以前輔國將軍楊亮為雍州刺史

以本紀修

桓石

民遣將取弘農

以通鑑修

西燕弑其主忠立太尉慕容永為

河東王稱藩于燕

以呂祖謙標目修

解題曰西燕一歲而易六主亂亦甚矣事見通鑑

秋七月秦狄道長苻登取南安以登為南安王

以呂祖謙標目

修劉顯迎故代王什翼犍之子窟咄以逼魏魏王珪北

奔請救於燕

以呂祖謙標目修

冬十月呂光改元

以呂祖謙標目修

秦

主丕攻燕王永大敗於襄陵丕奔東垣將軍馮該斬之



永據長子稱帝改元

以呂祖謙  
標目修

解題曰襄陵今平陽會縣長子隆德府長子縣

甲申海西公薨

以呂祖謙  
標目修

燕魏破拓跋窟咄走死

以通鑑修

十一月秦南安王稱帝改元

以呂祖謙  
標目修

解題曰宋庠紀年通譜太初本漢武帝年號事見通

鑑

十二月呂光自稱涼州牧酒泉公

以通鑑修

晉烈宗孝武皇帝太元十二年

燕成武皇帝建興二年  
西燕帝慕容永中興

二年 後秦武昭皇帝建初二年 西秦乞伏國仁建義三年 涼王呂光太安二年 魏太祖道武帝登

國二年 秦高 春正月乙巳以謝玄為會稽內史龍驤皇帝太初二年

將軍豫州刺史朱序為青兗二州刺史鎮淮陰

以紀傳修

燕

師濟河

以通鑑修

二月燕大破張願于窺口青兗徐州縣多

降之

以呂祖謙標目修

解題曰窺口在濟南府禹城縣

三月秦以乞伏國仁為苑川王

以通鑑修

秋七月燕魏滅劉

顯

以呂祖謙標目修

八月辛巳立子德宗為皇太子

以本紀修

晉烈宗孝武皇帝太元十三年

燕成武皇帝建興三年西燕帝慕容永中興

三年後秦武昭皇帝建初三年

西秦乞伏乾歸太

初元年涼王呂光太安三年

魏太祖道武皇帝登

國三年秦高

皇帝太初三年

春正月康樂獻武公謝玄卒

以通鑑修二月

翟遼稱魏天王改元

以呂祖謙夏四月戊午征虜將軍

朱序都督司雍梁秦州軍事雍州刺史成洛陽

以通鑑修

五月翟遼徙滑臺

南王改元

以呂祖謙標目修

解題曰宋庠紀年通譜太初本漢武帝符登年號餘

見通鑑

秋八月魏使拓跋儀使燕

以呂祖謙標目修

晉烈宗孝武皇帝太元十四年

燕成武皇帝建興四年西燕帝慕容永中興

四年後秦武昭皇帝建初四年西秦乞伏乾歸太初二年梁王呂光麟嘉元年秦高皇帝太初四年

魏太祖道武春正月秦以河南王乾歸為金城王

以通

鑑二月呂光稱三河王改元

以呂祖謙標目修

解題曰後漢西羌傳羌爰劍亡入三河間李賢曰三

河黃河賜支河湟河也宋庠紀年通譜時麟見金澤

縣光以為已瑞乃僭號稱王改元麟嘉本劉聰年號

夏四月翟遼陷滎陽

以本紀修

六月左將軍桓石民卒秋七

月以驃騎長史王忱都督荊益寧州軍事荊州刺史

以通

修鑑

解題曰按列傳桓石民為荊州刺史桓石虔為豫州刺史未嘗更易也本紀書荊州刺史桓石虔卒誤也

餘見通鑑

宋書州郡志荊州刺史陶侃治沌口王敦治武昌其後或還江陵或治夏口桓溫治

江陵桓冲居上明王忱還江陵不復移動

八月後秦破秦軍獲其后毛氏

以呂祖讓  
標目修

冬侍中王國

寶諷八座請進琅邪王道子丞相加殊禮帝大怒道子

諧中書侍郎范甯出之

以通鑑修

解題曰帝威權已出雅有人君之量既而溺於酒色  
為長夜之飲醒日常少不親萬幾太白連年晝見地

震水旱為變者相属而傍無正人但與會稽王道子

酣歌為務

武酣反 姆莫侯反

尼僧尤為親暱並竊弄其

權凡所幸接皆出自小監郡守長更為道子所樹立

中書令王國寶性卑佞特所寵昵官以賄遷政刑謬  
亂又崇信浮屠之學用度奢侈下不堪命太元以後  
為長夜之宴蓬首昏目政事多闕左衛領營將軍許  
榮上疏不省國寶諷八座啓以道子為丞相加殊禮  
護軍將軍車胤曰此乃成王所以尊周公也今主上  
當陽非成王之地相王在位豈得為周公乎乃稱疾  
不署疏奏帝大怒而甚嘉胤中書侍郎范甯甚被親  
愛指斥朝士直言無諱國寶甯之甥也甯尤疾其阿

諛勸帝黜之國寶懼使陳郡袁悅之因尼妙音致書  
太子母陳淑媛說國寶忠謹宜見親信帝知之託以  
他罪殺悅之國寶大懼遂因道子讚寧由是出為豫  
章太守餘見通鑑

晉烈宗孝武皇帝太元十五年

燕成武皇帝建興五年  
西燕帝慕容永中興

五年 後秦武昭皇帝建初五年  
初三年 涼王呂光麟嘉二年 秦高皇帝太初五年

魏太祖道武  
皇帝登國五年

春正月西燕王永向洛陽朱序敗之於

太行還擊翟遼走之序還襄陽

以舉要歷  
補遺脩

二月辛巳中



書令王恭都督青兗等五州軍事青兗二州刺史

以本紀修

解題曰按王雅傳帝以道子無社稷器幹乃選時望  
以為藩屏將擢王恭殷仲堪等先以訪雅雅以恭等  
無當世之才不可大任乃從容曰王恭風神簡貴志  
氣方嚴既居外戚之重當親賢之寄然其稟性峻隘  
無所包容執自是之操無守節之志仲堪雖謹於細  
行以文義著稱亦無宏量且幹畧不長若委以連率  
之重據形勝之地今四海無事足能守職若道不常

隆必為亂階帝以恭等為當時之望謂雅疾其勝已故不從二人皆被升用其後竟敗有識之士稱其知人餘見通鑑雅當時所謂佞幸之人其議論乃如此

夏四月秦將軍魏揭飛攻後秦杏城後秦主萇斬之

以通

修鑑

解題曰姚萇在五胡中亦英雄之靡爾然其用兵亦有髣髴曹孟德者符登進逼安定諸將勸萇疾戰萇曰與窮寇競勝兵家之下吾將以計取之於是留其

尚書令姚弋守安定夜襲登輜重于大界克之此亦  
孟德襲烏巢輜重之意也魏揭飛率氐胡數萬人攻  
姚當成於杏城鎮東將軍雷惡地應之攻姚漢得於  
李潤萇潛軍赴之萇衆不滿二千揭飛惡地衆至數  
萬氏胡赴之者首尾不絕萇每見一軍至輒有喜色  
群下怪而問之萇曰今同惡相濟皆來會集吾得乘  
勝席卷一舉而覆其巢穴東北無復餘也揭飛等以  
萇兵少盡衆來攻萇固壘不戰示之以弱潛遣子崇率

騎數百出其不意以乘其後揭飛兵擾亂葺遣王超  
譚亮率步騎擊之斬揭飛及首級萬餘惡地請降是  
亦得於孟德待馬超韓遂等十部之意也葺以崛起  
之姿而能坐定關河要亦非偶然而致此者事見通  
鑑

秋七月壬申有星孛于北河經太微入北斗八月戊戌  
入紫微乃滅

以宋書五行志修

朱序遣劉牢之攻翟遼于滑臺

大敗之張願降

以紀傳修

九月王國寶為中書令

以呂祖謙標目修

晉烈宗孝武皇帝太元十六年

燕成武皇帝建興六年西燕帝慕容永中興

六年 後秦武昭皇帝建初六年 西秦乞伏乾歸太初四年 涼王呂光麟嘉三年 秦高皇帝太初六年

皇帝魏太祖道武夏四月秦王登攻後秦五月後秦主萇

大破之

以通鑑修

六月燕趙王麟請攝魏王珪還朝不從秋

七月珪遣其弟觝如燕燕留之魏與燕絕

以呂祖謙標目修

九

月以右僕射王恂為左僕射太學博士范弘之請贈殷

浩黜桓溫恂黜之為餘杭令

以列傳修

解題曰蓋自簡文父子繼襲之後咸謂廢昏立明當

時議論無復以桓溫為賊者此玄所以敢抗疏以自陳也謝安王坦之輩方幸溫之死而彌縫桓氏況敢正名定罪乎如恂者無責爾矣餘見通鑑

冬十月魏王珪大破柔然徙其部於雲中

以呂祖謙  
標目修

解題曰柔然東胡之苗裔姓郁久閭氏車鹿舍始自號柔然後魏太武以其無知狀類於虫改其號為蠕蠕社喻始并諸部西則焉耆東則朝鮮北窮瀚海南臨大磧其常所會庭則敦煌張掖之北

翟遼卒子釗立改元

以呂祖謙  
標目修

匈奴劉衛辰攻魏十一

月魏破滅之十二月其子勃勃奔薛于部

以呂祖謙  
標目修

晉烈宗孝武皇帝太元十七年

燕成武帝建興七年  
西燕帝慕容永中興

七年

後秦武昭皇帝建初七年

西秦乞伏乾歸太

初五年

涼王呂光麟嘉四年

秦高皇帝太初七年

皇帝

魏太祖道武  
皇帝登國七年

夏五月丁卯朔日有食之

以本  
紀修

六月燕

主垂擊翟釗敗之釗奔西燕

以本紀  
載紀修

秋七月秦主登逼

安定八月後秦主萇拒却之

以通  
鑑修

冬十月王忱卒

以本  
紀修

朱序病免

以通  
鑑修

十一月癸酉黃門侍郎殷仲堪都督荆

益寧州軍事荊州刺史仲堪崇侍南郡公桓玄

以呂祖謙標目

修

解題曰按世說新語王忱死西鎮未定朝貴人人有  
望時仲堪雖居機要資名輕小人情未以方嶽相許  
孝武欲拔親近腹心遂以殷為荊州詔未出王恂問  
殷曰陝西何故未有處分殷曰已有人王歷問公卿  
咸云非王自計才地必應在已復問非我耶殷曰亦  
似非其夜詔出用殷王語所親曰豈有黃門郎而受



如此任仲堪此舉乃是國之亡徵餘見通鑑

十二月清河李遼請脩兗州孔子廟不報

以朱熹綱目修

解題曰胡寅曰遼謂事有如賒而實急者智足以及此矣晉朝合從其言而命之以學校之事遼必繼有建明增光儒者武帝道子方與沙門遊異端惑心宜正論之不入也

晉烈宗孝武皇帝太元十八年

燕成武帝建興八年西燕帝慕容永中興

八年後秦武昭皇帝建初八年

西秦乞伏乾歸太

初六年

涼王呂光麟嘉五年

秦高皇帝太初八年

魏太祖道武皇帝登國八年

夏六月秦丞相竇衝自稱秦王改元元

光

解題曰宋庠紀年通譜衝改元元光本漢武帝年號

事見通鑑

秋七月秦主登討衝後秦太子興救之

以通鑑修

冬十一月

燕主垂伐西燕

以通鑑修

十二月後秦主苻生卒太子興伐秦

晉烈宗孝武皇帝太元十九年

燕成武帝建興九年西燕帝慕容永中興

九年

後秦文桓皇帝姚興初元年

涼呂光麟嘉六年秦帝苻崇延初元

年魏太祖道武  
皇帝登國九年

春正月三河王光以禿髮烏孤為河

西鮮卑大都統

以載紀修

夏四月秦主登與後秦戰于廢橋

大敗奔平原

以通鑑修

解題曰按載記苻登自六陌向廢橋始平太守姚詳

據馬嵬堡拒登始平馬嵬皆在京兆府興平縣則廢

橋亦應在此事見通鑑

五月燕主垂與西燕主永戰大破之取晉陽

以載紀修

後秦

太子興即帝位改元

以呂祖謙標目修

解題曰宋庠紀年通譜時敗苻登故改元皇初餘見

通鑑

六月追尊會稽王太妃鄭氏曰簡文宣太后

以本紀修

解題曰朱熹曰簡文鄭太后與僖公成風一也皆所以著妾母之義國朝真宗崩始以三后並配當時群

臣亦爭之以其創見也其後習以為常矣事見通鑑

秦主登請救於金城王乾歸封之為梁王秋七月後秦

主興邀登而殺之太子崇奔湟中即帝位改元

以本紀修

解題曰事見通鑑後秦自是稱秦

湟中湟河一名樂都水

按載

記始健以穆帝永和七年僭立至登五世凡四十四

年

後秦執竇衝

以通鑑修

八月己巳尊皇太妃季氏為太后

紀本

燕主垂克長子殺西燕王永

以本紀修

冬十月梁王乾歸逐

秦主崇崇奔仇池楊定乾歸殺定及崇楊盛自稱仇池

公來稱藩

以通鑑修

燕主垂略地青兗

以呂祖謙標目修

十二月梁

主乾歸稱秦王

以通鑑修

晉烈宗孝武皇帝太元二十年

燕成武帝建興十年  
秦文桓皇帝皇初二

年

西秦乞伏乾歸太初八年

涼王呂光

春三月庚

麟嘉七年

魏太祖道武皇帝登國十年

辰朔日有食之

以本紀修

夏五月魏叛燕燕太子寶伐魏

以呂

祖謙標目修

秋七月三河王光伐西秦西秦王乾歸稱藩於

光

以通鑑修

九月魏王珪臨河拒燕冬十月辛未燕師遁十

一月丙戌魏王珪大破之于參合陂

以通鑑修

十二月燕以

清河公會領幽州刺史鎮龍城

以舉要歷補遺修

晉烈宗孝武皇帝太元二十一年

燕惠閔皇帝慕容寶  
永康元年 秦文桓

皇帝皇初三年 西秦乞伏乾歸太初九年 涼王  
呂光龍飛元年 魏太祖道武皇帝皇始元年 春

三月庚子燕主垂襲魏閏月取平城以疾還夏四月癸  
未卒於沮陽壬寅太子寶即帝位改元五月弑其太后

段氏

以通鑑呂祖  
謙標目修

解題曰按晉書地理志上谷郡有沮陽縣宋庠紀年  
通譜永康本漢桓帝晉惠帝年號

六月三河王光即天王位國號涼改元 以呂祖謙  
標目修 秋七

月魏王珪改元 通鑑

解題曰宋庠紀年通譜皇始本符健年號

八月大舉伐燕九月敗遼西王農取并州

以通鑑修

貴人張

氏弒帝皇太子德宗即皇帝位會稽王道子位太傅攝

政

以呂祖謙  
標目修

解題曰春秋君弒賊不討不書葬以為無臣子也孝  
武弒死而會稽王不能推問崩故舍賊不討三綱廢  
矣無怪乎王恭仲堪之徒接軫而起也

魏初建臺省置百官封公侯刺史尚書郎已下用文人



以本紀修

冬十月甲申葬孝武皇帝于隆平陵

以本紀修

魏主珪

取燕常山十一月遣兵攻鄴信都戊午自將攻中山丁

卯乃退

以通鑑修

十二月以楊盛為仇池公

以通鑑修

秦取蒲坂

以通鑑修

大事記續編卷三十二

欽定四庫全書

大事記續編卷三十三

明 王禕 撰

晉安皇帝隆安元年

燕惠閔皇帝永康二年 西秦乞伏乾歸太初十年 秦文桓皇帝

皇初四年

涼王呂光龍飛二年

魏太祖道武皇帝

皇始二年

南涼秃髮烏孤太初元年

北涼段業神

重元

春正月己亥朔帝加元服改元會稽王道子歸政

以本紀修

領軍將軍王國寶為左僕射

以本紀修

魏師潰於鄴燕

都督中外軍事范陽王德大破之

以載紀修

癸亥魏王珪降

信都

以呂祖謙標目修

秃髮烏孤稱西平王改元攻涼金城克

之

以呂祖謙  
標目修

解題曰宋庠紀年通譜太初本漢武帝符登乞伏乾  
歸年號

二月魏王珪欲還永和於燕燕主寶不許邀之於滹沱  
河大敗魏復圍中山三月清河王會引兵至薊燕衛大  
將軍趙王麟作亂出奔壬子燕主寶奔會軍開封公詳

守中山

以呂祖謙  
標目修

甲寅尊皇太后為太皇太后立妃王

氏為皇后

以紀  
傳修

魏追燕主寶及之夏謙澤清河王會敗

之夏四月甲戌寶至龍城會反敗奔中山開封公詳殺

之

以通鑑修

解題曰水經注幽州潞縣鮑丘水東南入夏護澤地理志寶遷和龍自幽州至於盧溥鎮以南地入於魏事見通鑑

王恭及豫州刺史庾楷反

解題曰按列傳恭抗表曰後將軍國寶得以姻戚頻登顯列不能感恩効力而專寵肆威將危社稷先帝

登遐夜乃犯閣欲矯遺詔賴皇太后聰明相王神武  
故逆謀不果又割東宮見兵以為已府讒疾二昆甚  
於讎敵與其從弟緒同黨凶狡共相扇動此不忠不  
義之明白也以臣忠誠必亡身殉國是以譖臣非一  
賴先帝明鑑浸潤不行昔趙鞅興甲誅君側之惡臣  
雖駑劣敢忘斯義表至內外戒嚴餘見通鑑胡安國  
曰春秋書晉趙鞅歸于晉先儒或謂言歸者以地正  
國也其說誤矣鞅取晉陽之甲以逐君側之惡人以

地正國而可是人主可得而脅人臣擅興無罪以兵  
諫者真愛其君也使後世賊臣稱兵向闕以誅君側  
為名而實欲脅君取國者則此說啓之也觀王恭始  
為亂階而桓玄遂以篡晉安國之論可謂得春秋之  
旨矣

甲申會稽王道子殺王國寶將軍王緒以悅之乃罷兵  
殷仲堪復抗表舉兵至巴陵而還

以呂祖謙  
標目修

會稽世子

元顯為征虜將軍

以呂祖謙  
標目修

盧水胡沮渠蒙遜拔涼臨

松郡

以通鑑修

解題曰王容曰盧水胡有在杏城者杏城盧水胡郝奴是也有在馮翊北地者馮翊北地胡是也此云張掖盧水胡則胡之在張掖者也事見通鑑

五月燕開封公詳稱帝改元建始燕主寶奔黃龍

以呂祖謙

標目修

解題曰宋庠紀年通譜改元建始本漢成帝司馬倫年號事見通鑑



沮渠男成推涼建康太守段業為涼州牧改元沮渠

蒙遜歸之

以呂祖謙  
標目修

秋七月燕趙王麟襲殺慕容詳稱

帝

以呂祖謙  
標目修

九月秦太后蛇氏卒既葬秦主興以素服

臨朝

以通鑑  
修

秦主興取弘農至陝城遣將寇洛陽

以通鑑  
目錄修

冬十月甲戌魏王珪與慕容麟戰於義臺大破之麟奔

鄴甲申魏克中山

以呂祖謙  
標目修

鮮題曰義臺在中山府新樂縣西南十三里按後魏

書列傳自太祖平中山多置軍府以相威攝凡有八

軍軍各配兵五千食祿主師軍各四十六人自中原

稍定八軍之兵漸割南戍餘見通鑑

晉安皇帝隆安二年

燕昭武皇帝慕容盛建平元年  
秦文桓皇帝皇初五年  
西秦乞

伏乾歸太初十一年

涼王呂光龍飛三年

魏太祖

道武皇帝天興元年

南涼秃髮烏孤太初二年  
北

涼段業神璽二年

南燕

猷武皇帝慕容暕德元年

春正月燕范陽王德徙滑臺

魏取鄴德稱燕王改元

以呂祖謙  
標目修

鮮題曰滑臺今滑州本衛之漕邑州城即滑臺城水

經注即鄭廩延邑下有延津孔惺載伯姬于平陽行

于延津是也在靈河縣廩延南故城即衛之平陽亭也在韋

城縣事見通鑑

慕容麟謀反燕王德殺之以通鑑修魏王珪置行臺於鄴中

山辛酉北還徙山東六州民夷十餘萬口以實代以通鑑目

錄修二月乙亥燕主寶引軍南壬午衛兵段速骨作亂衆

潰而還以呂祖謙標目修驃騎司馬王愉都督江州豫州之四

郡軍事江州刺史以呂祖謙標目修三月段速骨陷龍城燕主

寶奔黎陽庚子尚書蘭汗殺速骨夏四月寶還汗弑之

自稱昌黎王改元青龍

以呂祖謙  
標目修

解題曰事見通鑑宋庠紀年通譜青龍本魏明帝石

鑒年號

北凉取凉西郡晋昌敦煌

以通鑑修

秋七月燕長樂王盛攻

蘭汗斬之改元攝行統制

以呂祖謙  
標目修

解題曰事見通鑑宋庠紀年通譜建平本漢哀帝石

勒慕容瑶年號

魏都平城始營宮室廟社

以呂祖謙  
標目修

庾楷說王恭殷仲

堪廣州刺史桓玄南蠻校尉楊佺期舉兵反八月陷江

州王愉走

以呂祖謙  
標目修

魏王珪命正封畿標道里平權衡

審度量黜陟守宰

以通鑑修

九月辛卯加會稽王道子黃鉞

會稽世子元顥為征討都督討桓玄等

以本紀修

乙巳桓玄

大破王師於白石王恭司馬劉牢之襲恭恭伏誅牢之

都督兗青等六州揚州晉陵軍事玄等至石頭而還以

玄為江州刺史楊佺期為雍州刺史殷仲堪為廣州刺

史

以通鑑修

解題曰白石即白石壘

冬十月丙子燕長樂王盛即帝位

以呂祖謙  
標目修

壬午桓玄

殷仲堪楊佺期盟于尋陽俱不受命詔復以仲堪為荆

州刺史乃還玄屯夏口

以本紀  
通鑑脩

十一月辛亥魏王珪命

立官制協音律制禮儀定律令考天象

以通鑑  
目錄修

十二月

魏王珪即帝位改元

以呂祖謙  
標目修

魏徙六州守宰豪傑二

千家于代

以通鑑  
修

妖人孫泰伏誅其兄子恩逃入海

以通鑑  
修

西平王烏孤稱武威王

以通鑑  
修

解題曰元和郡縣志烏孤徙都西平方輿志鄯州鄯

城縣本漢西平郡之地

晉安皇帝隆安三年

燕昭武皇帝長樂元年 秦文桓皇帝弘始元年 西秦乞伏乾歸

太初十二年 涼王呂纂咸寧元年

魏太祖道武皇帝天興二年 南涼秃髮烏孤太初三年 北涼段業

天璽元年 南燕獻武皇帝脩德二年

春正月庚午魏主珪襲高車尋大

破之

以呂祖謙標目修

解題曰高車古赤狄之餘種初號為狄歷北方以為

敕勒諸夏以為高車丁零

癸未燕改元

以呂祖謙  
標目修

二月建康公業即涼王位改元

以呂祖謙  
標目修

三月魏置五經博士增國子太學生員大索

書籍

以通鑑修

南燕王德出討叛將滑臺降魏德引而南夏

四月乙未會稽世子元顥為揚州刺史

以呂祖謙  
標目修

秋七

月秦寇洛陽八月魏救之

以通鑑  
錄修

武威王烏孤卒弟利

鹿孤立

以呂祖謙  
標目修

南燕王德陷青州殺將軍辟閭渾都

廣固

以本紀  
載記修

鮮題曰慕容德自鄴而奔滑臺自滑臺而南走猶能



取青社而定都則晉人前日之不能開拓中原謝玄  
朱序不得不執其咎也事見通鑑

九月秦主興降稱王改元

以呂祖謙  
標目修

冬十月秦陷洛陽

以呂祖謙  
標目修

十一月甲寅孫恩陷會稽殺內史王凝之八

郡應之詔徐州刺史謝琰輔國將軍劉牢之討之十二

月恩逃入海

以紀  
傳修

會稽世子元顯錄尚書事

以呂祖謙  
標目修

桓玄襲江陵殷仲堪請救於楊佺期佺期敗死仲堪自

殺

以列  
傳修

涼王光傳位太子紹光卒大司馬太原公纂弒

紹而代之改元

以呂祖謙  
標目修

解題曰宋庠紀年通譜咸寧本晉武帝年號事見通

鑑

晉安皇帝隆安四年

燕昭武皇帝長樂二年  
秦文桓  
皇帝弘始二年  
西秦乞伏乾歸

太初十三年  
帝天興三年

涼王呂纂咸寧二年  
魏太祖道武皇  
帝天興三年  
涼王秃髮利鹿孤建和元年  
北凉段

業天璽二年  
平元年

南燕獻武皇帝建  
春正月壬子朔燕王  
李暉庚子元年

盛貶號為庶人天王

以通  
鑑修  
武威王衍鹿孤改元  
以呂祖  
謙標目

脩

解題曰宋庠紀年通譜建和本漢桓帝年號

二月燕破高麗

呂祖謙  
標目

三月彗星見太微

以本  
紀修

桓玄都

督荆江等八州軍事荆江二州刺史玄以其兄南蠻校

尉偉為雍州刺史

以通  
鑑修

涼王纂殺其弟大都督錄尚書

事常山公弘

以通  
鑑修

夏四月北涼劾殺令李嵩自為燉煌

太守

以通  
鑑修

解題曰劾殺縣屬燉煌郡

五月己卯孫恩破會稽殺都督五郡事謝琰

以通  
鑑修

解題曰按列傳琰以資望鎮越土議者謂無復東顧之憂及至郡無綏撫之能而不為武備將帥皆諫曰強賊在海伺人形便宜開其自新之路琰曰苻堅百萬尚送死淮南况孫恩奔衄歸海何能復出若其復至正是天令速就戮耳不從其言恩後果復寇浹口入餘姚破上虞進及刑浦去山陰北三十五里琰遣叅軍距破恩既而上黨太守張虔碩戰敗群賊銳進人情震駭咸謂宜持重嚴備且列水軍於南湖分兵

設伏以待之琰不聽賊既至尚未食琰曰要當先滅  
此寇而後食也跨馬而出廣武將軍桓寶為前鋒殺  
賊甚多而塘路窄狹琰軍魚貫而前賊於艦中傍射  
之前後斷絕琰至千秋亭敗績帳下都督張猛於後  
斫琰馬墜地與二子俱被害事見通鑑琰之取敗有  
二焉一則師其父之矯情鎮物而不知其綜理二則  
狃於淮淝之捷而不思敵無小而不可忽况變生於  
肘腋史謂其無綏撫之能信矣

去年孫恩之寇會稽  
王凝之以不設備而

死近在目睫而瑛畧  
不知警其無具如此

秦伐西秦西秦王乾歸拒之

以通鑑修

六月庚辰朔日有食

之

以本紀脩

秋七月壬子太皇太后崩

以本紀修

西秦王乾歸敗

奔南凉又奔秦

以呂祖謙標目修

冬十一月以劉牢之都督會

稽等五郡擊孫恩走之

以通鑑修

會稽世子元顓後將軍

開府都督揚豫等十六州軍事徐州刺史

以本紀修

十二月

戊寅有星孛于天市

以本紀修

會稽世子元顓殺吏部尚書車

盾御史中丞江績

以列傳修

解題曰按列傳元顯專政夜開六門御史中丞江績  
密啓會稽王道子欲以奏聞道子不許吏部尚書車  
胤亦曰元顯驕縱宜禁制之道子默然元顯聞而謂  
衆曰江績車胤間我父子逼令自我朝野悼之葉適  
曰元顯一日而殺御史中丞吏部尚書晉安得而不  
亡耶餘見通鑑

是歲李嵩自稱大將軍涼公改元

以本  
紀修

解題曰葉適曰地志涼州戶三萬七百而張軌世襲

號稱大邦至李嵩禿髮沮渠三方分割爭為雄霸人

衆土地幾何

按李嵩傳中州江漢  
流者不過二萬家

干戈日尋攘奪歲

異生齒不加益餘民靡子遺可悲也事見通鑑

南燕王德即帝位改元更名脩德

以呂祖謙  
標目修

解題曰宋庠紀年通譜建平本漢哀帝石勒慕容瑤

慕容盛年號餘見通鑑

晉安皇帝隆安五年

燕昭文皇帝慕容熙建始元年  
秦文桓皇帝弘始三年

西秦乞

伏乾歸太初十四年

魏太祖道武皇帝天興四年  
涼王呂隆神鼎元年

南涼禿髮利鹿孤建和二年



北涼段業天璽三年南燕獻武皇帝建平二年春正  
西涼李騫庚子二年北涼沮渠蒙遜永安元年

月武威王利鹿孤稱河西王

以通鑑修

解題曰按載記利鹿孤立三年龍見于長寧

晉西平郡縣

麒麟游於經羌

晉西平郡有寧羌縣疑是

郡臣勸進偕稱河西王

其時鋤勿崦進曰若我先君肇自幽朔被髮左衽無

冠冕之儀遷徙不常無城邑之制用能中分天下威

振殊境今建大號誠順人心然寧居樂土非貽厥之

規倉府粟帛生敵人之志且首兵始號事必無成宜

置晉人於諸城勸課桑農以供軍國之用我則習戰  
法以誅未賓若東西有變長筭以縻之如其敵強於  
我徙而避其鋒不亦善乎利鹿孤然其言於是率師  
伐呂隆大敗之自此居者專耕出者專戰餘見通鑑  
高歡入魏每令軍士其語鮮卑則曰漢民是汝奴夫  
為汝畊婦為汝織輸汝粟帛令汝溫飽何為陵之其  
語華人則曰鮮卑是汝作客得汝一斛粟一足綃為  
汝擊賊令汝安寧汝何為疾之夫惟兵農之不相入

則其患至於相陵且相疾也先王之法其為慮也遠矣

二月丙子孫恩寇句章鎮北將軍劉牢之使其叅軍劉

裕破走之

以宋書本紀修

秦歸乞伏乾歸于苑川

以呂祖謙標目修

解題曰苑川在天興縣西四十二里

涼番禾太守呂超中領軍呂隆弑其王纂隆自立改元

以呂祖謙標目修

解題曰番禾令涼州天寶縣宋庠紀年通譜呂超得

小鼎於番禾以為瑞乃紀年

三月甲寅衆星西流歷大微

紀本

夏五月北凉西安太守

沮渠蒙遜弑其主業

以呂祖謙  
標目修

秦伐凉

以呂祖謙  
標目修

六月甲戌

孫恩至丹徒劉裕破之恩別將陷廣陵

以呂祖謙  
標目修

沮渠

蒙遜稱張掖公改元

以呂祖謙  
標目修

解題曰宋庠紀年通譜永安孫休晉惠張寔年號

秋七月魏徇許昌彭城

以呂祖謙  
標目修

秦大破凉軍西凉河西張

掖皆入貢

以呂祖謙  
標目修

以劉裕為下邳太守討孫恩於郁州大

破走之

以通鑑宋書本紀修

解題曰郁州海州東海縣有鬱洲

燕弒其王盛其叔父河間公熙即天王位閏月改元

以呂

祖謙標目修

解題曰宋庠紀年通譜建始本漢成帝司馬倫慕容

詳年號

秦圍姑臧九月涼王隆請和

以呂祖謙標目修

冬十一月劉裕

追擊孫恩破之

以通鑑修

十二月桓玄以桓偉為江州刺史

鎮夏口

以舉要歷  
補遺修

晉安皇帝元興元年

燕昭文皇帝光始二年 秦文桓  
皇帝弘始四年 西秦乞伏乾歸

太初十五年

魏太祖道武皇帝天興五年

涼王呂

隆神鼎二年

南涼秃髮傉檀弘昌元年 南燕獻武

皇帝建平三年

西涼李觚庚子

春正月庚午朔改元

三年 北涼沮渠蒙遜永安二年

解題曰宋庠紀年通譜元興本漢和帝孫皓年號

以曾稽世子元顯為驃騎大將軍征討大都督加黃鉞

劉牢之為前鋒都督前將軍譙王尚之為後部討桓玄

以本  
紀修

桓玄舉兵東下

以通  
鑑修

二月沮渠蒙遜攻涼姑臧盟

而還

以通鑑修

解題曰姑臧武威郡治也

丁卯桓玄至姑熟譙王尚之軍潰三月己巳朔劉牢之  
叛辛未元顯軍潰壬申玄入建康自為都督中外諸軍  
丞相錄尚書事尋自為太尉揚州牧總百揆癸酉徙會  
稽王道子於安成殺元顯等劉牢之為會稽內史牢之  
自殺

以列傳呂祖謙標目修

解題曰王容曰宋齊志皆無成安通鑑据南史書之

疑當作安成

輿地志晉惠帝元年築安城郡方輿記在今吉州安福縣

改元大享

以呂祖謙標目修

孫恩伏誅衆推其將盧循為主桓

玄以為永嘉太守

以呂祖謙標目修

河西王利鹿孤卒弟儁檀

立更稱涼改元

以呂祖謙標目修

夏四月桓玄屯姑熟

以通鑑修

五

月盧循寇東陽撫軍中兵參軍劉裕走之

以通鑑修

秦伐魏

秋七月魏主珪擊之冬十月取秦軍于柴壁

以呂祖謙標目修

解題曰絳州太平縣東三十里有子奇壘子奇秦將

姚平字也其側尚有柴村



冀州刺史劉軌邀襄城太守司馬休之將軍劉敬宣廣

陵相高雅之據山陽起兵不克乃奔南燕將軍袁虔之

劉壽等奔秦

以通鑑修

燕王熙弒太后丁氏

以舉要歷補遺修

十二

月殺會稽王道子

以本紀修

是時柔然社崙據漠北自號可

汗

以呂祖謙標目修

解題曰杜佑謂稱可汗始於此

按拓跋之先雖有可汗毛可汗推寅可汗

隣可汗力微皆追封耳故知始於柔然非始於拓跋也

晉安皇帝元興二年

燕昭文皇帝光始三年

秦文桓皇帝弘始五年

西秦乞伏乾歸

太初十六年 魏太祖道武帝天興六年

涼王呂

隆神鼎三年

南涼秃髮傉檀弘昌二年

南燕獻武

皇帝建平四年

西涼李暠庚子

四年

北涼沮渠蒙遜永安三年

春正月盧循司馬徐

道覆寇東陽二月辛丑建威將軍劉裕破之

以奉紀修夏四

月癸巳朔日有食之

以奉紀修

秋七月南涼北涼攻涼涼王

隆請降于秦八月秦取姑臧

以呂祖謙標目修

解題曰按載記呂光以孝武太元十二年守涼州十

五年僭位至隆凡十有三載以安帝元興二年滅宋

曰三主

十七年

劉裕追盧循至晉安連破之

以通鑑修

九月丙子大將軍桓

玄自為相國楚王加九錫冬十二月壬辰玄自即皇帝

位改元永始廢帝為平固王戊戌玄入建康辛亥遷帝

于尋陽

以本紀通鑑修

解題曰宋庠紀年通譜永始本漢成帝年號

世說新語晉安

帝紀桓修少為玄所侮言論常鄙之修深憾焉家有圖玄之意修母曰靈寶視我如母汝等何忍骨肉相

圖修

乃止

是歲魏始制冠服

以通鑑修

大事記續編卷三十三

欽定四庫全書

大事記續編卷三十四

明 王禕 撰

晉安皇帝元興三年

燕昭文皇帝光始四年 秦文桓皇帝弘始六年 西秦乞伏乾歸

太初十七年

魏太祖道武皇帝天賜元年 南凉秃髮儁檀弘昌三年 南燕獻武皇帝建平五年 西凉

李嵩庚子五年

北凉沮渠蒙遜永安四年

春正月帝出居于尋陽

以審紀修

二

月益州刺史毛璩起兵討桓玄屯白帝

以呂祖謙標目修

乙卯

劉裕帥沛郡劉毅東海何無忌等起兵討桓玄丙辰

斬徐州刺史脩于京口青州刺史桓弘于廣陵丁巳玄

遣揚州刺史桓謙拒之

以紀傳修

南涼王傉檀去其年號

通

鑑修

三月戊午朔劉裕擊桓玄將吳甫之皇甫敷已未

大破桓謙于覆舟山玄挾帝西上庾申裕立留臺百官

遣諸將追玄

以本紀通鑑修

左僕射王瑜及子荊州刺史綏謀

襲劉裕辛酉裕族誅之

以通鑑修

解題曰按宋書本紀綏江左冠族有重名以高祖起

自布衣甚相陵忽綏桓氏甥亦有自疑之意裕悉誅

之餘見通鑑

壬戌以桓玄司徒王謐領揚州刺史錄尚書事劉裕都

督揚徐等八州軍事徐州刺史劉毅為青州刺史何無

忌為琅邪內史

以通鑑修

桓玄至尋陽辛未逼帝西上

以通鑑修

丙戌大將軍武陵王遵承制總百官行事

呂祖謙標目

劉敬

宣司馬休之來歸

以通鑑修

夏四月司馬休之監荆雍等六

州軍事荊州刺史

以通鑑修

庚寅帝至江陵

以本紀修

庚戌右將

軍何無忌等大破桓玄將于桑落洲取尋陽玄挾帝東

下

以通鑑修

五月癸酉冠軍將軍劉毅等大破桓玄于崢嶸

洲已卯亥以帝入江陵庚辰亥走壬午伏誅帝復位閏月己丑亥故將桓振陷江陵毅等大敗于靈溪退守尋

陽

以紀  
傳修

解題曰桑落洲在江州德化縣東北十五里崢嶸洲在壽昌軍西俗訛為新生洲桑落崢嶸之戰衆寡不敵而皆能取勝者心之專氣之銳也桓振收合餘燼殆無幾耳而無忌等乃以敗聞氣既驕而用心輕也兵故無常形也事見通鑑

靈溪在江陵府江陵縣



六月毛璩斬梁州刺史桓希自領之

以紀傳修

秋七月戊申

永安皇后崩

以本紀修

九月魏改補百官

以呂祖謙標目修

冬十月

壬戌盧循陷番禺徐道覆陷始興

以呂祖謙標目修

鮮題曰番禺今廣州始興今南雄南安之地

辛巳魏改元

以呂祖謙標目修

十一月魏命宗室置宗師州郡

置師如中正之職

以通鑑目錄修

十二月劉毅等克巴陵

以通鑑修

晉安皇帝義熙元年

燕昭文皇帝光始五年

秦文桓皇帝弘始七年

太初十八年

魏太

祖道武皇帝天賜二年

南涼禿髮儁弘昌四年

次巳日車三書

大事記續編

三

李晟建初元年

北涼

春正月帝出居于江陵

以春秋脩

南

沮渠蒙遜永安五年

陽太守魯宗之襲襄陽劉毅等克江陵桓振走戊戌

改元

解題曰宋庠紀年通譜熙興也意取因義師而天下

興

以宗之為雍州刺史毛璩都督益梁等五州軍事

以舉要歷

補遺修

秦命僧鳩摩羅什譯西域經論

以呂祖謙標目修

解題曰蘓轍曰姚興區區一隅招致縉素譯經談妙

至者凡數千人而姚氏之亡曾不旋踵梁武繼之江南佛事前世所未嘗見至捨身為奴隸郊廟之祭不薦毛血父子皆陷於侯景而國隨以亡觀秦梁之敗則佛法之不足賴信矣

西涼公暉改元遣使奉表

以通鑑目錄修

解題曰宋庠紀年通譜建初本漢章帝李特姚萇年號

二月帝東還

以通鑑修

平西叅軍譙縱殺毛璩自稱成都王

楊盛據漢中

以呂祖謙  
標目修

三月桓振復陷江陵司馬休之

敗走振尋伏誅

以本  
紀修

甲午帝至自江陵劉裕為車騎將

軍都督中外軍事夏四月裕還京口

以本紀呂祖  
謙標目修

壬申

以盧循為廣州刺史徐道覆為始興相

以通  
鑑修

五月以劉

毅都督淮南五郡軍事豫州刺史

以通  
鑑修

六月秦伐仇池

秋七月楊盛降之

以呂祖謙  
標目修

劉裕遣使請南鄉等郡於

秦秦割十二郡歸之

以呂祖謙  
標目修

九月南燕主儁德立兄

子超為皇太子儁德卒超即帝位改元

以呂祖謙  
標目修

西涼

公嵩徙酒泉

以舉要歷  
補道修

晉安皇帝義熙二年

燕昭文皇帝光始六年  
秦文桓皇帝弘始八年  
西秦乞伏乾歸

太初十九年

魏

太祖

道武皇帝天賜三年

南涼禿

髮僂檀弘昌五年

南燕帝慕容超太上年

西涼

李騫建初二年

北凉

沮渠蒙遜永安六年

夏六月秦以禿髮僂檀為凉州

刺史鎮姑臧

以吕祖謙  
標目修

魏築湟南宮

以通  
鑑修

解題曰按魏書本紀天興六年辛南平城

寔字記前  
漢平城在

雲州雲中縣代州燕門縣有平  
城故城後漢平城故曰南平城

規度湟南

寔字記累  
頭山在鴈

門縣西北  
六十里

面夏屋山背黃瓜堆

寔字記夏屋山在雁  
門縣東北三十五里

水經注桑乾水又東南逕黃瓜阜曲西又屈逕其堆  
南猗盧廢嫡子于黃瓜堆者也又東右合杖津又東  
北左合夏

將建新邑

穆靈帝六年城盛樂以為北都  
修故平城以為南都帝登平城

西山觀望地勢乃更南百里於灑水之陽黃瓜堆築  
新平城晉人謂之小平城使長子六修鎮之統領南

郡餘見建興元年盛樂解題

遣將軍毛修之討譙縱秋九月自宕渠還白帝

以通鑑修

解題曰宕渠今渠州古賓國也

冬十月論建義功封劉裕等有差裕固辭

以本紀修

解題曰按宋書本紀裕

本作文作高祖

上言曰始平京口廣

陵二城臣及撫軍將軍毅等二百七十二人并赴義  
出都緣道大戰所餘一千五百六十六人又輔國將  
軍長民故給事中王元德等十人乞正封賞於是尚  
書秦裕封豫章郡公餘見通鑑

十一月西秦王乾歸朝于秦以通鑑修十二月何無忌都督

荆江豫三州八郡軍事江州刺史以通鑑脩

晉安皇帝義熙三年燕高雲正始元年 秦文桓皇帝  
弘始九年 西秦乞伏乾歸太初

二十年魏太祖道武帝天賜四年 南凉秃髮儁  
檀弘昌六年 南燕慕容超太上三年 西凉李暝

建初三年北凉沮渠蒙遜永安七年夏赫連勃勃龍升元年以呂祖謙春正月燕改元以呂祖謙

標目秦留西秦王乾歸以其子熾磐監其部以呂祖謙

閏二月族誅東陽太守殷仲文前中書令桓胤等以本

夏四月楊盛使將軍苻宣入漢中尋復來通以呂祖謙

秦以劉勃勃鎮朔方六月勃勃自稱大夏天王改元以呂

祖謙標秋七月戊戌朔日有食之以本燕將軍馮跋以本

雲作亂乙丑雲即天王位改元執其王熙弒之以呂祖謙

修



解題曰按載記垂以孝武太元八年僭立至熙四世

凡二十四年以安帝義熙三年滅

宋庠紀年通譜正始魏高貴卿公年

號

南燕主超稱藩于秦以求母妻秦歸之

以通鑑修

八月遣冠

軍將軍劉敬宣伐蜀

以本紀修

燕以馮跋都督中外諸軍錄

尚書事

以載記修

九月譙縱稱藩于秦

以通鑑

冬十月夏王勃勃

侵秦嶺北十一月擊秃髮傉檀大破之

以通鑑修

解題曰嶺洪池嶺也

唐地理志涼州有洪池府兵麻秋據袍罕屯河內遣王擢畧地

晉興廣武越洪池崩至于曲抑姑臧大震趙振謂禿髮氏曰呂氏方強洪池以北未可冀也嶺南五郡庶幾可取嶺北則武威張掖安定陰密杏城朔方等也嶺南則樂都湟河澆河等郡也嶺東則三輔也嶺西則建康祁連也

晉安皇帝義熙四年

燕高雲正始二年

秦文桓皇帝

二十一年

魏太祖

道武皇帝天賜五年

南涼禿髮

僂檀嘉平元年

南燕慕容超太上年

西涼李

高建初四年

北涼沮渠蒙遜永

春正月劉裕為揚州

刺史錄尚書事徐兗二州刺史如故

以本紀通鑑修

解題曰按宋書列傳揚州刺史王謐薨裕次應入輔

劉毅等不欲裕入議以中領軍謝混為揚州或欲令裕於丹徒領州以內事付尚書僕射孟昶遣尚書右丞皮沈以二議諮裕沈先見穆之具說朝議穆之偽起如廁即密疏白裕曰皮沈始至其言不可從裕既見沈且令出外呼穆之問曰卿云沈言不可從其意何也穆之曰昔晉朝失政非復一日加以桓玄篡奪天命已移公興復皇祚勲高萬古既有大功便有大位位大勲高非可持久公今日形勢豈得居謙自弱

遂為守藩之將和劉孟諸公與公俱起布衣共立大義本欲匡主成勲以取富貴耳事有前後故一時推功非為委體心服宿定臣主之分也力敵勢均終相吞咀揚州根本所係不可假人前者以授王謚事出權道豈是始終大計必宜若此而已哉今若復以他授便應受制於人一失權柄無由可得而公功高勲重不可直置疑畏交加異端互起將來之危難可不熟念今朝議如此宜相酬答必云在我措辭又難惟

應云神州治本宰輔崇要此事既大非可懸論便整  
入朝共盡同異公至京彼必不敢越公更授餘人明  
矣裕從其言由是入輔觀穆之之言如此則劉毅諸  
葛長民之徒寧有容足之地乎桓溫未必遽有廢立  
之心也而郗超啓之劉裕未必遽萌入輔之想也而  
穆之發之彼以國輸人之輩亦何所不至哉餘見通  
鑑

夏秦襲南涼討夏皆敗而還

以朱熹綱目修

秋秦救譙縱劉敬

宣至黃虎而還

以通鑑修

解題曰黃虎名黃潁自潼川府東關縣流至通泉合

涪江宋遂寧郡領廣漢縣今通泉即其故地宋白續

通典通泉有黃潁川

冬十月乞伏熾磐叛秦

以呂祖謙標目修

十一月禿髮傉檀復

稱涼改元

以呂祖謙標目修

解題曰宋庠紀年通譜嘉平魏高貴鄉公劉聰年號

晉安皇帝義熙五年

燕馮跋太平元年弘始十一年

秦文桓皇帝西秦乞伏歸更

始元年 魏太宗明元皇帝拓跋嗣永興元年 南凉

秃髮傉檀 嘉平二年 南燕帝慕容超太王五年 西

凉李暕 建初五年 北凉沮渠蒙遜

永安九年 夏赫連勃勃龍升三年 春正月庚戌撫軍

將軍劉毅為衛軍將軍開府 以通鑑修 秦以譙縱為蜀王 以朱

熹綱目修 二月南燕寇宿豫 以本紀修 乞伏熾磐取枹罕乾歸自

秦逃歸 以呂祖謙標目修 三月劉裕帥師伐南燕 以本紀修 夏六月

震于太廟 本紀 劉裕大敗南燕王超于臨朐圍廣固 以通鑑修

秋七月乞復乾歸復稱秦王改元 以呂祖謙標目修

解題曰宋庠紀年通譜更始本劉玄慕容冲年號

九月秦王興擊夏王勃勃大敗之

以舉要歷補遺修

冬十月戊

辰燕弑其王雲馮跋即天王位於昌黎改元

以呂祖謙標目修

解題曰昌黎在營州元魏嘗立昌黎郡宋庠紀年通譜太平本孫亮年號事見通鑑

魏主珪為子清河王紹所弑紹兄齊王嗣誅之壬申即

帝位改元

以呂祖謙標目修

解題曰宋庠紀年通譜不俟踰年改元永興本漢桓

帝晉惠帝冉閔慕容儁年號事見通鑑



晉安皇帝義熙六年

燕馮跋太平二年  
弘始十二年  
西秦乞伏乾歸更

始二年  
魏太宗明元皇帝永興二年  
南涼秃髮傳  
檀嘉平三年  
南燕慕容超太上年  
西涼李暠

建初六年  
北涼沮渠蒙遜永安  
夏赫連勃勃龍升四年  
春二月丁亥劉裕克

廣固殺燕王公以下三千人執燕主超以歸斬之

以通鑑修

解題曰按晉書紀傳載記宋書紀傳裕

宋紀作帝

將伐慕容

容超朝議皆謂不可丹陽尹孟昶贊行劉毅時鎮姑

孰固止裕以為苻堅侵境謝太傅猶不自行宰相遠

出傾動根本謝裕獨曰公建桓文之烈應天人之心

雖業高振古而德刑未樹宜推亡固存廣振威畧平  
定之後養銳息徒然後觀兵洛汭脩復園寢豈有縱  
敵貽患者哉裕從之五年四月每師發京都沂淮入  
泗至下邳留船艦輜重步軍進琅邪所過皆築城留  
守初議者以為賊聞大軍遠出必不敢戰若不斷大  
峴在沂州沂水縣當堅守廣固刈粟清野以絕三軍之資非  
唯難以有功將不能自反裕曰我揣之熟矣鮮卑貪  
不及遠計進利尅獲退惜粟苗謂我孤軍遠入不能

持久不過進據臨朐

今青州縣

退守廣固我一得入峴則

人無退心驅必死之衆向懷貳之虜何憂不克彼不

能清野固守為諸君保之超引見群臣于東陽殿議

距王師公孫五樓曰吳兵輕果所利在戰初鋒勇銳

不可爭也宜據大峴使不得入曠日延時沮其銳氣

可徐簡精騎二千循海而南

青州自維密  
逕道海州

絕其糧運

別敕段暉率兗州之軍緣山東下腹背擊之上策也

各命守宰依險自固校其資儲之外餘悉焚蕩堅壁

清野以待其釁中策也縱賊入峴出城逆戰下策也

五樓亡燕者也其論兵乃如此

超曰京都殷盛戶口衆多非可一時

入守青苗布野非可卒芟設使芟苗城守以全性命

朕所不能今據五州之彊帶山河之固戰車萬乘鐵

馬萬群縱令過峴至於平地徐以精騎踐之此成擒

也賀賴盧苦諫不從退謂五樓曰上不用吾計亡無

日矣慕容鎮曰若如聖旨必須平原用馬為便宜出

峴逆戰而不勝猶可退守不宜縱敵入峴自貽窘逼

昔成安君不守井陘之關終屈於韓信諸葛瞻不據

束馬之嶮卒擒於鄧艾臣以為天時不如地利阻守

大峴策之上也超不從鎮出謂韓諱曰主上既不能

芟苗守險又不肯徙人逃寇酷似劉璋矣今年國滅

吾必死之卿等中華之士復為文身矣超聞而大怒

收鎮下獄乃攝莒

今密州縣

梁父

兗州有梁父山

二戍脩城隍簡

士馬蓄銳以待之裕既入峴舉手指天曰吾事濟矣

王師次東莞

在莒縣

超遣其左軍段暉輔國賀賴盧等

六將步騎五萬進據臨朐城王師度峴超懼率卒四

萬就暉等臨朐有巨蔑水

水經巨洋水出朱虛縣泰山北注袁宏謂之臣昧王

韶之以為巨蔑亦曰胸滿

去城四十里超告五樓曰急往據之晉

軍得水則難擊也五樓馳進龍驤將軍孟龍符領騎

居前奔往爭之五樓乃退衆軍步進有車四千兩分

車為兩翼方軌徐行車悉張幔御者執稍又以輕騎

為遊軍

袁溉謂薛季宣曰大峴之戰用車而騎為左右翼以夾之也通鑑削騎兵而不載如是則

法當敗季宣善之

軍令嚴肅行伍齊整未及臨朐數里賊鐵

騎萬餘前後交至裕命兗州刺史劉藩等齊力擊之  
參軍胡藩言於裕曰賊屯軍城外留守必寡今往取  
其城而斬其旗幟此韓信所以克趙也裕乃遣檀韶  
率向彌胡藩馳往即日陷城斬其牙旗悉虜超輜重  
超聞臨朐已拔引衆走裕親鼓之賊乃大奔超遁還  
廣固獲超馬偽輦玉璽豹尾等送于京師斬其大將  
段暉等十餘人其餘斬獲千計明日大軍進廣固即  
屠大城超退保小城於是設長圍守之圍高三丈外

穿三重塹停江淮轉輸館穀於齊土

此所以能攻城半年而無後患

也撫納降附華戎惟悅援才授爵因而任之超使其

尚書郎張綱乞師于姚興赦慕容鎮進錄尚書都督

中外諸軍事引見群臣謝之鎮曰百姓之心係於一

人陛下既躬率六軍身先奔敗群臣解心士庶喪氣

內外之情不可復恃如聞西秦自有內難恐不暇分

兵救人正當更決一戰以爭天命今散卒還者猶有

數萬可悉出金帛宮女餌令一戰天若相我足以破



賊如其不濟死尚為美不可閉門坐受圍擊司徒慕  
容惠曰不然今晉乘勝有陵人之氣敗軍之將何以  
禦之秦雖與勃勃相持不足為患且二國連橫勢成  
唇齒今有寇難秦必救我但自古乞援不遣大臣則  
不致重兵尚書令韓範德望燕秦所重宜遣乞援於  
是遣範與王蒲乞師于姚興七月起大將垣遵遵弟  
苗並率衆歸順人有竊告裕軍曰若得張綱為攻具  
者城乃可得綱從長安還泰山太守申宣執送之裕

令綱周城大呼曰勃勃大破秦軍無兵相救超怒伏弩射之於是使綱大治攻具超憂懼乃請稱藩求割大峴為界獻馬千足不聽圍之轉急河北居民荷戈負糧至者日以千數姚興遣使告裕云慕容見與隣好又以窮告急今當遣鐵騎十萬徑據洛陽晉軍若不退者便當長驅而進裕呼興使而荅曰語汝姚興我定燕之後息甲三年當平關洛今能自送便可速來錄事參軍劉穆之聞有羗使馳入而裕發遣已去

以興所言并答具語穆之穆之尤裕曰常日事無大小必賜與謀之此宜善詳之云何卒爾便答公所言未能威敵正足怒彼耳若燕未可拔羗救奄至不審何以待之裕笑曰此是兵機非卿所解故不語耳夫兵貴神速彼若審能遣救必畏我知寧容先遣信命此是見我伐燕內已懷懼自張之辭耳尚書張俊自長安還降裕說裕曰燕人所以固守者外仗韓範冀得秦援若勃敗後秦必救燕宜密信誘範啗以重

利範來則燕人絕望自然降矣裕從之表範為散騎  
常侍遺範書以招之時興遣其將姚强率步騎一萬  
隨範就其將姚紹于洛陽并兵來援會赫連勃勃大  
破秦軍興追强還長安範歎曰天其滅燕乎會得裕  
書遂降於裕裕將範循城由是人情離駭無復固志  
左右勸超誅範家以止後叛超知敗在旦夕又弟諱  
盡忠無貳故不罪焉張綱為裕造衝車覆以版屋蒙  
之以皮并設諸奇巧城上火石弓矢無所施用又為

飛樓懸梯水慢之屬遙臨城上超大怒懸其母而支  
解之明年尚書令董銳勸超出降超大怒繫之於獄  
於是賀賴盧公孫五樓為地道出戰王師不利河間  
人玄文說裕曰昔超攻曹疑望氣者以為渾水帶城  
渾水出臨淄縣北經樂安傳昌縣  
南入時水博昌今青州傳興也非可攻拔若塞五

龍口城必自陷石季龍從之而疑降後慕容恪之圍  
段龕亦如之而龕降降後無幾又震開之今舊基猶  
在可塞之裕從其言至是城中男女患脚弱病者大

半超輦而升城尚書悅壽言於超曰天地不仁助寇  
為虐戰士尪病日就凋殞守困窮城息望外援天時  
人事亦可知矣苟歷運有終宜存宗廟之重超歎曰  
廢興命也吾寧奮劍決死不能銜壁求生城中出降  
者相繼裕四面進攻殺傷者甚衆悅壽遂開門以納  
王師超與左右數十騎出亡為裕軍所執裕數之以  
不降之狀超神色自若一無所言惟以母託劉敬宣  
而已送建康市斬之此劉裕滅燕之本末也南燕德

至超二主十二年自垂燕元元年至寶永康三年十五年而德稱王通二十七年又通僞至暉之年共一百一十三年燕德盡矣

盧循寇長沙徐道覆寇南康陷廬陵豫章

以紀傳修

三月南

涼王儁檀伐北涼及其王蒙遜戰于窮泉大敗遂遷樂

都

以舉要歷補遺修

解題曰今西寧州湟河一名樂都水

壬申鎮南將軍江州刺史何無忌與徐道覆戰于豫章

死之夏四月癸未劉裕至建康五月劉毅及盧循戰于

桑落洲大敗乙丑循等至淮口劉裕屯石頭

以通鑑修

解題曰按宋書紀傳賊至裕策之曰賊若於新亭直進其鋒不可當宜且回避勝負之事未可量也若迴泊西岸此成擒耳道覆欲自新亭白石焚舟而上循多疑少決每欲以萬全為慮謂道覆曰大軍未至盍袒便望風自裁以大勢言之自當計日潰亂今決勝負於一朝既非必克之道且殺傷士卒不如按兵待



之裕登石頭城以望循軍初見引向新亭顧左右失

色既而廻泊蔡洲道覆猶欲上循禁之

楊佺期桓玄至石頭劉牢

之帥北府之衆軍于新亭佺期玄見之失色回軍蔡洲未幾狼狽西還

自是衆軍轉集

修治越城

金陵故事周元王四年范蠡滅吳立城於金陵以張威勢宮苑記在瓦棺寺東南國

門橋西北

築查浦藥園

寔字記在覆舟山南輿地志晉為藥園宋為藥游苑

廷尉

未詳

三壘守以實衆冠軍劉敬宣屯北郊輔國孟懷玉屯

丹陽郡西建武王仲德屯越城廣武劉默屯建陽門

外

建康實錄正東建春門後改建陽門

使寧朔李邈領鮮卑具裝虎班

突騎千餘足賊遣十餘艦來攻石頭柵裕命神弩射之發輒摧陷乃止不攻柵設伏兵於南岸使羸老悉乘舟向白石憂其從白石步上乃率劉毅諸葛長民北出拒之又裕留參軍沈林子與徐赤特斷拒查浦林子曰此言妖詐未必有實宜深為之防裕曰石頭城險且淮柵甚固留卿在後足以守之大軍既去賊果上赤特將擊之林子曰賊聲徃白石而屢來挑戰其情可知賊養銳待期而吾衆不盈二旅今距嶮足

以自固若賊偽計不立大軍尋反君何患焉赤特鼓譟而出賊伏兵齊發赤特軍敗棄軍奔北岸林子率軍收散兵進戰道覆乃更出銳卒泐塘數里林子斷塘而闔裕率諸軍馳歸衆憂賊過淮咸謂裕當徑還拒戰裕先分軍還石頭衆莫之曉解甲息士洗浴飲食之乃出列陣於南塘以赤特違處分斬之命參軍諸葛叔度朱齡石率勁勇千餘人過淮群賊數千皆長刀矛鋌奮躍爭進齡石所領多鮮卑善步稍並結

陣以待之短兵弗能抗死傷數百人乃退走餘見通

鑑

六月劉裕為太尉中書監加黃鉞裕受黃鉞餘辭

以通鑑脩

秋七月盧循還循陽甲子劉裕遣將追之

以紀傳修

八月劉

裕遣將軍孫處沈田子自海道襲番禺

以呂祖謙標目修

譙縱

使桓謙會秦將軍苟林寇荊州刺史劉道規擊斬之

以呂

祖謙標目脩

冬十月癸巳劉裕擊盧循

以呂祖謙標目修

徐道覆寇

江陵劉道規大破走之

以通鑑修

十一月庚戌孫處拔番禺

以通鑑修

十二月劉裕及盧循戰于大雷大敗之丙申復敗

之于左里循走遣兗州刺史劉藩等追之

以通鑑修

解題曰安慶府望江縣有大雷口小雷口左里在南

康都昌縣西北四十里

晉安皇帝義熙七年

燕馮跋太平三年  
弘始十三年  
西秦乞伏乾歸更

始三年

魏太宗明元皇帝永興三年

南涼秃髮傉

檀嘉平四年

西涼李暠建初七年

北涼沮渠蒙遜

永安十一年

夏赫

春正月西秦王乾歸降秦秦以為

連勃勃龍升五年

河南王

以呂祖謙  
標目修

解題曰按載記秦以勃勃之難權宜許之餘見通鑑

二月壬午克始興徐道覆伏誅

以本紀修

北凉王蒙遜取姑

臧園樂都

以呂祖謙標目修

三月劉裕受太尉中書監之令

以呂

祖謙標目修

解題曰三十國春秋裕既拜朝賢畢至僕射謝混後來衣冠傾縱弛慢之容裕甚不平謂之曰謝僕射今日可謂傍若無人混曰明公將隆伊周之化使四海虛襟謝混何人而敢獨異乎乃以手板撥其襟領悉

皆解散裕大悅時人莫不奇之

盧循圍番禺不克夏四月沈田子破之循奔交州伏誅

以本紀修秋七月河南王乾歸伐南涼八月敗之以通鑑修

晉安皇帝義熙八年

燕馮跋太平四年  
弘始十四年  
西秦乞伏熾磐永

康元年  
魏太宗明元皇帝永興四年  
南涼秃髮傉  
檀嘉平五年  
西秦李暝建初八年  
北涼沮渠蒙遜

玄始元年  
夏赫連勃勃龍升六年春二月河南王乾歸徙譚郊以載紀修

解題曰蘭州蘭泉縣有苑川縣嶸嶺山一名可嶺山乞伏

熾磐城嶸嶺山乾歸攻姚興徙四千餘戶於苑川三

千餘戶于譚郊乞伏公府走追擒于嶮岷南山輟之  
于譚郊皆蘭州境也

夏四月劉毅都督荆寧秦雍四州軍事荊州刺史

以呂祖謙

修標目

鮮題曰三十國春秋謝混會之屏人累日餘見通鑑

六月河南王乾歸為將軍乞伏公府所弑秋七月乾歸

子平昌公熾磐討誅之八月即王位改元都抱罕

以呂祖謙

修標目



鮮題曰宋庠紀年通譜永康本漢桓帝晉惠帝慕容  
寶年號

皇后王氏崩

以本紀修

九月己卯劉裕殺右將軍劉藩左僕

射謝混帥衆襲劉毅冬十月裕參軍王鎮惡陷江陵殺  
毅以前會稽內史司馬休之都督荆雍等六州軍事荆

州刺史

以本紀修傳

鮮題曰毅與裕俱舉大義興復晉室自謂京城廣陵  
功業足以相抗雖權事推裕而心不服也毅既有雄

才大志厚自矜許朝士素望者多歸之與尚書僕射

謝混丹陽尹郝僧施並深相結

當時兩種議論已成  
毅為亞相愛才好士

當世莫不輻湊揚州主簿張劭不往或問之邵曰王  
公命世人傑何煩多問劉穆之聞以白裕裕益親之

又胡藩謂劉裕曰豁達大度功高天下連百萬之衆  
毅固以此服公至于涉獵記傳一咏一默自許雄豪

以誇縉紳白面之士輻湊而歸毅不肯為公下也鄭  
鮮之謂劉毅權重當時朝野莫不歸附鮮之盡心武

帝獨不屈意於  
毅以此可見及鎮江陵豫州舊府多割以自隨請

僧施為南蠻校尉裕知毅不能居下終為異端密圖

之毅至西稱疾篤表求從弟兗州刺史藩以為副貳

偽許焉九月藩入朝裕命收藩及謝混並於獄賜死

自表討毅

按宋書謝方明傳劉穆之權重當時朝野輻湊不與穆之相識者惟謝混謝方明郗

僧施蔡廓而已穆之甚以為恨方明廓後往造之大悅蓋此四人者以故家風素自許故不屑於穆之而混僧施之不免於死則裕與劉穆之謀討毅而王智

亦以終不屈節故也在焉他日穆之白曰伐國重事也公云何乃使王智

知裕笑曰此人高簡豈聞此輩議論餘見通鑑

葉適曰裕

本有濶達意度而穆之乃以狹劣誤教之也

氏揚盛叛秦秦討之不克

以通鑑修

北凉王蒙遜遷于姑臧

十一月即河西王位改元

以呂祖謙  
標目修

十二月以西陽太

守朱齡石為建威將軍益州刺史伐蜀

以呂祖謙  
標目修

解題曰按宋書列傳初裕與齡石密謀進取曰劉敬

宣往年出黃虎無功而退賊謂我今應從外水往而

料我當出其不意猶從內水來也如此必以重兵守

涪城以備內道若向黃虎正墮其計今以大衆自外

水取成都疑兵取內水此制敵之奇也而慮此聲先

馳虜審虛實別有函書全封齡石署函邊曰至白帝

乃開諸軍雖進未知處分所由至白帝發書曰衆軍  
悉從外水取成都臧熙朱林於中水取廣漢使羸弱  
乘高艦十餘由內水向黃虎衆軍乃倍道兼行譙縱  
果備內水使大將譙道福以重兵戍涪城遣其秦州  
刺史侯暉蜀郡太守譙詵等率衆萬餘屯彭模夾水  
為城衆號三萬齡石至彭模去成都二百里詣劉鍾  
謀曰今天時盛熱而賊嚴兵固險攻之未必可拔祇  
增疲困且欲養銳息兵伺其隙而乘之卿意謂何鍾

曰不然前揚聲言大衆向內水道福不敢捨涪城今重兵出其不意蜀人已破膽矣賊今阻兵守險是懼不敢戰非能持重堅守也因其洵懼盡銳攻之其勢必克鼓行而進成都必不能守矣若緩兵相守彼將知人虛實涪軍忽來并力拒我人情既安良將又集此求戰不獲軍食無資當為蜀子虜耳齡石從之明日進攻陷其二城斬侯暉譙諸營守以次土崩衆軍乃舍舡步進臧熹病卒朱林至廣漢復破譙道福

別軍乘船陷牛脾

元和郡縣志中江水即牛鞞水也昔羅尚乘牛鞞水征李雄在今資

州斬其大將譙撫縱聞諸處盡敗奔涪城道福聞平

模不守率精銳五千兼行來赴聞縱已走衆亦散乃

逃於獠中巴西民杜瑤縛送之斬于軍門餘見通鑑

水出江油自涪城至潼川過遂寧入合州至重慶與

大江合此內水也水自汶山自漢州金堂峽歷懷安

軍富順監至瀘州與大江合此中水也大江出岷山

由眉州嘉定叙瀘至重慶此外水也桓溫之伐李勢

由外水也劉敬宣之討譙縱則偏師在外水而躬由  
內水也至齡石則三道並進而重兵又在外水也

分荊州置湘州

呂祖謙  
標目

晉安皇帝義熙九年

燕馮跋太平五年  
弘始十五年

秦文桓皇帝  
西秦乞伏熾磐永

康二年

魏太宗明元皇帝永興五年

南涼秃髮傉

檀嘉平六年

西秦李暠建初九年

北涼沮渠蒙遜

玄始二年

夏赫  
連勃勃鳳翔元年

春二月乙丑晦劉裕還建康三月丙

寅朔殺豫州刺史諸葛長民及其諸弟

以本  
紀修

劉裕請申

土斷省流寓郡縣

以通  
鑑修

夏王勃勃改元築統萬城改姓



赫連

以呂祖謙  
標目修

夏四月南涼王傉檀伐河西河西王蒙

遜敗之遂圍樂都降湟河

以通鑑修

秋七月壬申朱齡石克

成都譙縱伏誅以齡石監梁秦六郡軍事

以通鑑修

是歲以

前淮陵內史索邈為梁州刺史苻宣還仇池

以呂祖謙  
標目修

晉安皇帝義熙十年

燕馮跋太平六年  
弘始十六年

秦文桓皇帝  
秦乞伏熾磐永

康三年

魏太宗明元皇帝神瑞元年  
檀嘉平七年

西涼李昌建初十年  
北涼沮渠蒙遜

玄始三年  
連勃勃鳳翔

夏赫

春正月辛酉魏改元

以呂祖謙  
標目修

秦尚

書令廣平公弼謀亂諸鎮欲起兵誅之夏五月免弼乃

罷兵

以呂祖謙  
標目修

南涼王傉檀伐乙弗部大破之河南王

熾磐襲陷樂都六月傉檀降之

以呂祖謙  
標目修

解題曰烏孤以安帝隆安元年僭立至傉檀三世凡

十八年以義熙十年滅

秋八月魏主嗣以相州刺史書聞于劉裕

以呂祖謙  
標目修

九

月丁巳朔日有食之

以本  
紀修

冬十月河南王熾磐稱秦王

以本  
紀修

是歲城東府

以本  
紀修

解題曰按南朝宮苑記城於十年宋大明移揚州其

中景明罷陳初又為揚州廨

魏博士祭酒崔浩與軍國之謀

以呂祖謙標目修

晉安皇帝義熙十一年

燕馮跋太平七年帝弘始十七年

秦文桓皇西秦乞伏熾

磐永康四年

魏太宗明元皇帝神瑞二年

西涼李

嵩建初十一年

北涼沮渠蒙遜至始四年

夏赫連

勃勃鳳翔三年

春正月劉裕帥師攻司馬休之魯宗之舉兵應

休之三月裕克江陵休之宗之奔襄陽尋奔秦

以呂祖謙標目

修

解題曰葉適曰裕有一天下之資其時亦易然卒以

不就者既除劉毅司馬休之自應止此規小意狹又再費日月故也事見通鑑

夏王勃勃拔秦杏城

以通鑑修

夏五月甲申彗星二見

本紀

裕自加殊禮

以通鑑修

河西王蒙遜奉表

以通鑑修

秋七月丙戌

京師大水壞太廟

本紀

辛亥晦日有食之

以通鑑修

八月劉裕

還建康

以通鑑修

魏荐饑

以朱熹綱目修

晉安皇帝義熙十二年

燕馮跋太平八年永和元年

秦帝姚泓西秦乞伏熾磐永

康五年

魏太宗明元皇帝太常元年

西涼李暠建初十二年北涼沮渠蒙遜玄始五年

夏赫連勃勃

鳳翔四年春正月秦王興疾篤廣平公弼作亂伏誅興卒太

子泓即帝位改元

以載記修

解題曰宋庠紀年通譜姚泓不俟踰年改元永和本

漢順帝晉穆帝年號事見通鑑

二月劉裕自加中外大都督

以本紀修

夏四月壬子魏改元

以呂祖謙標目修

六月楊盛攻秦祁山拔之

以通鑑修

夏拔秦上邽

陰密安定雍城安定尋復為秦

以通鑑修

解題曰陰密今涇州靈臺縣有陰密城

秋七月劉裕帥師及太尉琅邪王德文伐秦以世子義符為中軍將軍監太尉留府左僕射劉穆之領監軍中軍司

解題曰裕伐南燕以孟昶任留務明年追盧循則昶已死遂以劉毅任留務又二年討劉毅以諸葛長民任留務而以劉穆之防之又三年討司馬休之則長民已死遂以其弟任留務而事皆決於劉穆之明年伐秦以其子任留務而使穆之總攝內外及穆之死

則裕僕僕南還矣事見通鑑

將軍檀道濟王鎮惡步向許洛沈林子等水軍出石門  
沈田子等趨武關冀州刺史王仲德督前鋒開鉅野入  
河九月裕至彭城仲德取魏滑臺冬十月道濟進洛陽  
丙寅秦將軍陳留公洸降十一月裕自加九錫十二月  
壬申自為相國揚州牧宋公復辭不受以宋書  
列傳修秦并州  
牧姚懿反於蒲坂東平公紹擊誅之以呂祖謙  
標目修省湘州

以宋書州  
郡志修

解題曰通鑑義熙八年永初三年俱載分荊州置湘  
州而其間省湘州不書闕也

大事記續編卷三十四